

جریدہ عدلیہ

۱۳۲۶ هـ آگستوس

پنجشنبہ

۱۳ شعبان ۱۳۲۸

نومبر ۱۷

برنجی سنہ

قائمہ سرکاری

نوبہرات عدلیہ

موش سنجانی بدایت محکمہ سی مدعی عمومی معاونلکھ انقرہ ولایتی مرکز بدایت محکمہ سی سر مستطقی لطفی افندیك، سنیجه سنجانی بدایت محکمہ سی مدعی عمومی معاونلکھ پلقه قضاسی بدایت محکمہ سی جزا دائرہ سی رئیس فیخری افندیك، پلقه قضاسی بدایت محکمہ سی جزا ریاسته اشتیب قضاسی بدایت محکمہ سی مدعی عمومی معاونی عمرعونی افندیك، اشتیب قضاسی بدایت محکمہ سی مدعی عمومی معاونلکھ تحویل طلبنده بولنان ایك مدعی عمومی معاونی یونس بحری افندیك، حاب ولایتی مرکز بدایت محکمہ سی اعضالفنه مکتب حقوقك اعلا درجدهه مأذونلرندن اسماعیل حق افندیك، لاذقیه سنجانی بدایت محکمہ سی مدعی عمومی معاونلکھ محکمہ تمیزجزا دائرہ سی ضبط کتبه سندن ومکتب حقوقك اعلا درجدهه مأذونلرندن رأفت بلك، جمعه بالا قضاسی بدایت محکمہ سی جزا دائرہ سی ریاسته خیره بولی قضاسی بدایت محکمہ سی مدعی عمومی معاونی حمدی افندیك، خیره بولی قضاسی بدایت محکمہ سی مدعی عمومی معاونلکھ تحویل طلبنده بولنان صاری شعبان قضاسی بدایت محکمہ سی مدعی عمومی معاونی علی رضا افندیك، بقاق العزیز قضاسی بدایت محکمہ سی مدعی عمومی معاونلکھ بیروت ولایتی محکمہ استینافیه سی اعضا ملازمی مختار بلك



نقل وانتخاب لرینه ولازستان و آماسیه سنجاقلری مدعی عمومی معاونلری جمال وحسن فهمی افندیلرک بالمواقفه اجرای بجایش مأموریتلری خصوصه اراده سنیة حضرت خلافتیناهی شرفتملق بیورلمش ومومی الیهمدن محلف اولیانارک امر تحلیفلری دردست اجرا بولنشدر .

آچیق اولان یانیه ولایتی استیناف محکمه سی اعضالغنه اشقودره ولایتی استیناف محکمه سی اعضاسندن خپار سوم افندیلرک ، اشقودره ولایتی استیناف محکمه سی اعضالغنه یانیه ولایتی مرکز بدایت محکمه سی اعضاسندن کیرقور کال افندیلرک ، یانیه ولایتی مرکز بدایت محکمه سی اعضالغنه سرفیچه سنجاغی بدایت محکمه سی اعضاسندن یاقو سامی افندیلرک ، آچیق اولان صاری شعبان قضاسی مدعی عمومی معاونکنه اگری دره مدعی عمومی معاونی محمد رخسار افندیلرک ، تعینلری ووان ولایتی مرکز مدعی عمومی معاونی شوقی افندیلرک مدت مآذونیتی تجاوزایتدییره رک عودت ایتمه سنه بناء ختام مآذونیتی تاریخندن بالاعتبار مستعفی عدی خصوصه بالاسایدان ۲۰ تموز سنه ۱۳۲۶ تاریخنده اراده سنیة حضرت خلافتیناهی شرفتملق بیورلمش ومومی الیهم ذاناً محلف بولنشدر .

تلیفات عجمیه

عدلیه نظارت جلیله سندن تسطیر بیوریلان ۱۲ تموز ۱۳۲۶ تاریخی تحریرات عمومیه صورتیدر :

« هیأت تحصیلیه جه جبایق لازم کلان اعلامات جزایه خرچلریله سائرته نک صور تحصیلیه سنه دائر »

تحصیل اموال قانوننه تذیل ایدیلان ماده موقته موجبجه قانون مذکور حکمنه توفیقاً اموال امیریة تحصیلدارلری طرفندن تحصیلی لازمکلان اعلامات جزایه خرچلریله حکومت عائد جزای نقدیلرک وحقسز چیقان طرفندن تحصیل ایدلک اوزره صرف ایدیلان خرچراه وسائرته نک صورت استیفاسیله معاملات متفرعه سنک صورت تطبیقیه سی وجه آتی اوزره ایضاح اولنور . اولاً خرچلریله جزای نقدیلردن وخرچراه وسائرته دن الیوم کیملرک نه مقدار بورجی واریسه مدیونلرک اسملرینی و دینلرینک مقدارینی مبین اوله رق دوائر اجراییه جه مفرداتلی بردفتری تنظیم و محکمه رئیس طرفندن تصدیق ایدیلرک مأمورین مالیه به تودیع ایدلک لازم کله جکی کبی بعدما لزوم تحصیلی تحقق ایدن بومثالو مطلوباتک مقدارینی ومدیونلرک اسمیسی ناطق هر آی نهایتده بردفمه کندک دوائر اجراییه جه برجدول تنظیم وزیرینک محکمه ریاسته تصدیق

ایتدییره رک مأمورین مالیه به اعطاسی ایجاب ایدر اشبو دفترلر محتویاتنک یکونی بر قلمده محاکم خرچلری حسابنه تحقق قید ایدلرکله برابر همان تحصیلات دائره سنه تودیع ایدیلرک دوائر تحصیلیه به تقسیم وهر دائره نک مرتبته ضم وعلاوه اولنور تحصیلدار تکالیف جدولی شکلنده اوله رق اشبو ذمتلری اصولاً تعلیق ایتدکد نصرکه مفردات دفترلرینه نقل ایدرک تحصیلات وقوعنده علی السویه استعمال اولنان مقبوض علم و خبرلری اعطا ایدر اشبو تحصیلات ارسالیه ده محاکم خرجی نامی التنده برلشدیرلک لازمدر ثانیاً اعلامات جزایه خرچلریله جزای نقدیلر ومصرفلر حقنده مأمورین عدلیه به تعلق ایدن وظیفه بونلرک تحصیلی ضمنتده دفتری مأمورین مالیه به اعطا وتسليم ایتکدن عبارت اوله جغه کیفیت تحصیل مأمورین مالیه نک جمله وظائفندن اولدیفته کوره مفردات دفتری ویرلدکد نصرکه جهت عدلیه جه یابیله جق بر معامله قالمیه جکی کبی تحصیلات واقعیه مقابلنده تحصیلدارلر طرفندن مدیونلره اصولاً مقبوض علم و خبری اعطا ایدیلرکله جکله بناء تحصیلات نسبتده اصحابنه عائد اعلاماته رسوم عدلیه پولی الصاقته ده قطعاً لزوم اولمادیغندن تحصیلات حقنده مأمورین عدلیه به دفتر ویا حساب اعطاسی ایجاب ایتمز بناء علیه جهت عدلیه جه تحصیلی تحقق ایتدیریلان مبالغه عائد اعلامات ظهرینه (اشبو اعلامده مندرج غروش پاره نک برای تحصیل مال صندوقه ویریلان تاریخی جدولده ادخال ایدلرک تصدیق اولنور) دیه برشرح یازیله رق زیرینک اجرا مأموری طرفندن مهرلنسی کافیدر صورت حال عدلیه نظارت جلیله سنه ده اشعار ایدلرکندن برمنوال محرر معامله ایفاسی واشبو تحریرات عمومیه نک لفاً مرسل نسخ کافیه سندن برر عددینک ملحقانه اسراسی توصیه اولنور .

تحصیل اموال قانوننه تذیل ایدیلان ماده موقته موجبجه هیأت تحصیلیه جه جبایق لازمکلان اعلامات جزایه خرچلریله سائرته نک صور تحصیلیه سی ومتفرعاتی حقنده ۲۳ کانون اول سنه ۲۲۵ تاریخی و ۵۴۲ نومرولی تذکره به مربوط مذکره مندرجاتندن معامله جه قابل تطبیق اوله میان بعض جهتلری تعدیلاً مالیه نظارت جلیله سندن مأمورین مالیه به یازیلوب صورتی بالاییه درج اولنان تحریرات عمومیه به توفیق حرکت واقضا ایدلرک تبلیغ اولنسی توصیه ارنلور .

عدلیه نظارت جلیله سندن تسطیر بیوریلان ۱۳ تموز ۱۳۲۶ تاریخی تحریرات عمومیه صورتیدر :

« اجرا دائره لرنده پاره حفظنه مخصوص قاصه بولنمادیغنی تقدیرده اماناتک مال صندوقلرینه تودیبی لزومنه دائر »

اجرا دائره لرنده پاره حفظنه مخصوص قاصه بولنمادیغنی تقدیرده مبالغ موجوده نک خانه لرده وسائر خصوصی عملکرده محافظه سی قطعاً جائز اوله میه جفندن قاصه بولنمادیغنی اجرا دائره لر اماناتنک علی الاصول مال صندوقلرینه

توديع وتسليمي واجبا به كوره مذكور صندوقلردن استرداد اماناتك حسن محافظه سيله برابر انتظام معامله بيده. تا مين ايد چكندن بعدما اولوجهله ايفاي معامله عتبا اولمسي لزومي محاسبه افاده سيله بيان اولنور.

عدليه نظارت جليله سندن تسطير بيوريلان ١٢ تموز ١٣٢٦ تاريخي تحريرات عموميه صورتيدر :

« بعدازين اسباب ضروريه دن دولاي هيات حاكميه طاري اوله جق نقصانك تعريفات قانونيه وتبليغات واقعه دائره سنده اكاليه رؤيت دعاوينك تسريي لزومنه دائر »

بعض محاكمه هيات حاكمك عدد قانونيدن نقصان بولنديني سر رشته سيله محاكمك تاخير ايدلديكي. ومحاكمك مذكوره ميانده اكثر يا موقوفلي ايشار بولنه رق بويوزدن بلا حكمك تمديد موقوفيت كي مخالف قانون احوال ظهوره كلديكي مراجعات وشكايات واقعه دن وبوجهله دن اوله رق غضب ماده سندن دولاي موقوف وديار بكر ولايتي استيناف محكمه سنجه محاكمه سي در دست بولنان خفيف سواري آلاي قائم مقاملردن خليل بكك نقصان هيت وسيله سيله محاكمه سي و قتيله اجرا و اكال اولميه رق موقوفيتك اون يدي ماه تمانديسندن صكره نتيجه برانته قرار ويرلديكي تحقيقات جاريه دن اكلا شله سدر تشكيلات عدليه اجرا قلنان و قلمنايان يرلرده هيات حاكميه طاري اوله جق نقصانك صورت اكالي حقه دن كي احكام نظاميه ايله تبليغات توفيق معامله ايدليرك هيات حاكمك عدد قانونيسندن نقصان بولنديني ادعاي مجريه محاكمك تاخير و تعويق ايدلسي وعلى الخصوص بوميانده موقفاً اجراي محاكمه لري ايجاب ايدن كسانه عائد محاكمك تاخيريله حریت و مصونيت شخصيه اساسنه مخالف اوله رق بلا حكمك تماندي موقوفيه سبيت ويرلسي هر حاله شاين تنقيد و مواخذة اولديغندن بعدازين اسباب ضروريه دن دولاي هيات حاكميه طاري اوله جق نقصانك تعريفات قانونيه وتبليغات واقعه دائره سنده بالا كال محاكمك موجوده نك ترتيب قانونيسي وجه ايله حسن رؤيت و تمشيتي اسبابك استحصاليه مغاير قانون ومعدلت مسيلاري حقه دن موجب مواخذة ومسئوليت احوال وقوعنه ميدان ويرلامسي صورت قطعيه ده توصيه اولنور.

عدليه نظارت جليله سندن تسطير بيوريلان ١٣ تموز ١٣٢٦ تاريخي تحريرات عموميه صورتيدر :

« رسوم عدليه پوللرينك فاره لر طرفدن تخريب اولنماسي ايچون متين چكجه لر دروننده حفظي لزومنه دائر »

رسوم عدليه پوللرينك فاره لر طرفدن تخريب اولنديني بعض محللردن وقوع بولان مراجعاتدن اكلا شلمقه اولمسه ميني بوكامل قالماق ايچون پوللرك متين چكجه ويازيخانه لر دروننده محافظه سيله ضياعدن وقايه سي لزومك اقتضا ايدنلره تبليغي لزومي محاسبه افاده سيله بيان اولنور.

محكمه سنجه سنجي

محكمه تمين استعدا دائره سندن صادر اولان ٢٢ مارت ٣٢٦ تاريخي و ٣٣٣ نومرولي اعلام صورتيدر :

« حجه جرائندن دولاي غيايا لاحق اولان مقررات ابتدائيه عاينده محكومينك اون كون طرفنده كرك حكم غياي بي اعطا ايدن عكمه به مراجعتله حق اعتراض استعمال ايتك و كرك مدت مذكوره داخلنده دوعريدن دوعري به محكمه استينافه عرض حال تقديمه ايتك استينافاً تدقيقي طلب ايلمك صلاحيتي حاش بولنديغه دائر »

درسم سنجاني بدايت محكمه سي جزا دائره سندن تنظيم واعطا ١٨ شباط سنه ٣٢٥ تاريخده امر تفهيمي اجرا قلنمش اولان ٢٣ شباط سنه ٣٢٥ تاريخ وطقسان اوچ نومرولي اعلام استينافينك تميناً تدقيقي طابني حاوي محكمه مذكوره مدعي عمومي معاونل كي جانبندن معطي استعدانامه اوراق متفرعه سيله برلكده باش مدعي عموميك مأموريت بهيه سندن باتبايعنامه ٢١ مارت سنه ٣٢٦ تاريخده محكمه تمين استعدا دائره سنه توديع ايدلمكه ولدي التدقيق مذكور استعدانامه نك مدت معينه سي طرفنده اعطا قلنديني اكلا شلمغه بالقبول تدقيقات تمينيه اجرا سنه ابتدار اولندي .

اعلام مذكور خلاصه مالى عباده اوغلي حسيني ضرب وجرح ايدلكرلي ادعاسيله مظنون عليهم اولان حسن اوغلي محمد و ابراهيم اوغلي حسين وحسن اوغلي مصطفى وقو اوغلي مصطفى وقالم اوغلي كغونك اجرا قلنان محاكمه لري نتيجه سنده ثابت اولان حر كترلينه ميني قانون جزانك يوز يتش طقوزنجي ماده سي حكمه توفيقا بولنردن محمد وحسين و مصطفى و كغونك اون بشر كون وقو اوغلي مصطفى و كغونك دخی جرح فعلنك سبب شدت عديله برماه حبس سارينه دائر غيايا لاحق اولان حكم ابتدائي اعلامي محكوم مرقومون جانبندن استيناف ايدلسي اوزرينه سبق ايدن محاكمه و تدقيقات استينافيه نتيجه سنده استيناف استعدانك مدت اعتراضك مرورندن صكره اعطاسي لازم كلوركن مستأنف مرقومون طرفلردن بواصوله رعايت ايدلمه مش وكفيت مدعانك شوصورتله رؤيتي محكمه نك صلاحيتي خارجنده كورلمش ايدو كندن بحثله بوبابده كي استعدانامه محكمه عانده سنجه اعتراض استعداسي مقامنه قائم اولمق واولوجهله حل مسئله ايدلمك اوزره اوراق دعوانك طاقيله درجه اولي محكمه سنه اعاده سنه قرار ويرلديكي متضمندر .

لايحه تمينيه ده اصول محاكمك جزائيه قانونك يوز سكسان بشنجي ماده سنده حكمك ويرلديكي كوندن اعتباراً اون كون طرفنده حكمي ويرن محكمه نك حكمه استيناف اولنه جني بيان اولنماز ايسه استيناف حق ساقط اوله جني بيان قلنمش و انحق اشيو مدتك نقطه ابتداسي احكام وجاهيه ده باشقه واحكام غيايه ده باشقه

اولدینی ماده مذکورده کی عبارت تالیه ایله تفسیر ایدلمش وکذلک ماده مذکورده قانونیه تک صراحت کامله سیله متین اولدینی اوزره غیاباً محکوم اولر ایچون مذکور اون کون مدت ظرفیده هم اعتراض علی الحکم و همده استیناف طریق قانونیلری کشاده یعنی مواد حقوقیده اولدینی کی مدت اعتراضک انقضاسندن اعتباراً مهل استینافک حساب ایدلمسی لازم کیلجه کی بدیهی بولمش ایدوکنندن محکوم علیهمک حکم غیابینک تبلیغی عقبنده ومدت اعتراض ایچنده ویرمش اولدقلمی استیناف استدعایامه لک دعوائی واقعنهک رؤیتی صلاحیت خارجنده اولدینی بیانیله اعتراض استدعای مقامه قائم اولق اوزره اوراقک محانه اعاده وارسالی یولنده اتخاذ قرار ایدلمسی یولسز و مذکور ماده صراحتنه مخالف بولندیغندن بحثله اعلام استیناف مذکورک تقضی طاب ایدلدیکی کی تبلیغنامه ده دخی لایحه تمیزیده درمیان ایدیلان اعتراضات اعلام تمیزیه مندرجاتنه نظراً وارد و بجا کورندیکی بیانیله اعلام مذکورک تقضی لزومی مرقم بولمشدر .

ایجابی لدی المذاکره اصول محاکمات جزائییه قانوننک یوز سکسان بشنجی ماده سی احکام صریحه سی ایجابجه جنجه جرائندن دولای غیاباً لاحق اولان مقررات ابتدائییه علینده محکومینک اون کون ظرفنده کرک حکم غیابی بی اعطا ایدن محکمه یه مراجعتله حق اعتراضی استعمال ایتک و کرک مدت مذکورده داخلنده دوعروندن دوعرویه محکمه استینافه عرضحال تقدیمله ایشک استینافاً تدقیقی طلب ایلک صلاحیتی حارث بولمش ومدت اعتراض داخلنده ویریلان استیناف استدعایامه لرینک ردی لزومی تضمن ایدن بر ماده قانونیه موجود اولمایوب بالعکس سالف الذکر یوز سکسان بشنجی ماده نک محکومله اعتراض واستیناف دعوی امرنده بخش ایتدیک صلاحیت مذکور استدعایامه لک اعتراض مدتی ظرفنده ویرلمش اولسه بیله قبولی صورت واضحده بیان وارائه ایلکده اولقله برابر احکام غیابییه اعطا ایدن محکمه یه ویرلمسی اصول مذکورک ماده مخصوصه سی صراحتی مقتضیاتندن بولنان اعتراض عرضحاللری مقامه اقامه ایدلمک استیلان استیناف استدعا نامه لرینک کرک صورت تنظیمی و کرک مرجع اعطاسی اعتباریلده حکم غیابییه اعتراض صورتنده قبوله مساع قانونی کوریلهمه مش اولدینی حالده مضمون حسین ایله معلوم الاسامی رفقاسنک حکم غیابی ابتدائی علینده اعطا ایتدکلری استیناف عرضحالنک بالتدقیق مدت وشروط قانونیه سنه موافقتی تقدیرنده قبولیه ذات ماده نک امر تدقیقاتنه ابتدار وعکس صورتده ردی یولنده اتخاذ قرار اوللق لزوم قانونیسنه قارشو احکام قانونیه یه بالوجوه مغایر اوله رق ذکر اولنان استیناف عرضحالنک مدت اعتراض ظرفنده ویرلدیکندن بحثله اعتراض استدعایامه سی مقامنده قبولی ضمننده وعدم صلاحیتی تضمن ایدر صورتده اوراقک محکمه بدایته اعاده سنه قرار ویرلمسی تبلیغنامه ده دخی مرقم اولدینی وجهله یولسز ومستلزم نقض بولمش وبنابرین بو احوالی مین اولان لایحه تمیزیه محتویاتی وارد و بجا کورنمش اولدیغندن اصول مذکورک اوچوز اون دردنچی و اوچوز اون طقوزنجی ماده لری منظومنه اعلام استینافنک اسباب محرره دن ناشی نقضیه احکام قانونیه

دائرة سنده ایضای معامله اوللق اوزره اوراقنک محکمه محلییه اعاده سنه وایکیوز غروش اعلام خرجنک تعرفه وتعلیمات مخصوصه سی حکمنه توفیقاً ایلروده حقسنر حقیقه حق طرفدن استیفسانه ۲۲ مارت سنه ۳۲۶ تاریخنده متفقاً قرار ویرلدی .

محکمه تمیز استدعا دائره سندن صادر اولان ۱۰ نیشان ۳۲۶ تاریخلی و ۴۴۲ نومرولی اعلام صورتیدر :

« جنجه درجه سنده لزوم محاکمه قراریله محکمه یه سوق اولنان دعوانک عندالحاکمه جنایت نوعندن کورلدیکی صورتده اوراقنک مستنطقلکه تودیعی ایله تدقیقات وتحقیقات اخیرهن متحصل نتایجیه کوره نوع جرم حقنده ایکنجی دفعه اوله رق بر قرار ویرلسی مقضی اولدیغنه دائر »

قوصوه ولایتی هیئت اتهامیه سندن تنظیم واعطا قلنان ۲۱ مارت سنه ۳۲۶ تاریخ والتمش اوچ نومرولی مضبوطه نک تمیزاً تدقیقی طلبنی حاوی ولایت مذکورده استیناف محکمه سی مدعی عمومیلکی جانبندن معطی استدعایامه واوراق متفرعه سی باش مدعی عمومیلک مأموریت بهیه سندن بتبلیغنامه ۷ نیشان سنه ۳۲۶ تاریخنده محکمه تمیز استدعا دائره سنه تودیعی اولنمش ولدی التدقیق مذکور استدعایامه نک مدت قانونیه سی ظرفنده ویرلدیکی اکلشلمش ایدوکنندن بالقبول تدقیقات تمیزیه اجراسنه ابتدار اولندی .

مذکور مضبوطه نک خلاصه مالی ابراهیم بن خلیله روولور تشهر ایدلدیکی ادعا قلنان ومقدما مستنطقلکه جنجه ایله لزوم محاکمه سنه قرار ویریلان سلیمانک فعلی عندالحاکمه جنایت نوعندن کوریلهرک دائره استنطاقیه یه تودیعی ایدلمسی اوزرینه مظنون مرقومک حرکت واقعیه سی مقدما جنجه درجه سنده کوریلهرک اول صورتله محکمه یه سوق ایدلمش اولسنه مبنی یکیدن جنایت قراری تسطیرینه صلاحیت قانونیه اولدیغنه دائر تنظیم واعطا قلنان قرارنامه علینده مرکز مدعی عمومیلکی جانبندن وقوع بولان اعتراض اوزرینه کیفیت هیئت اتهامیه جه بالتدقیق مستنطقک جنجه قراری علینده مدت قانونیه سی ظرفنده اعتراض واقع اولمایوب مدت اعتراضک مروریله کسب قطعیت ایتش اولان قرار مذکورک هیئت اتهامیه جه بالتدقیق فسخ و بالتصدیق صلاحیت خارجنده بولندیغندن بحثله اعتراض واقعک ردینه قرار ویرلدیکی متضمندر .

لایحه تمیزیه ده بوقیل احوالده بدایت محکمه سی فعل واقعی جنایت نوعندن عد ایتدیک تقدیرده اصول محاکمات جزائییه قانوننک یوز یمش یدنجی ماده سی مقتضاسنجه تحقیقات جدیده بالاجرا هیئت اتهامیه اصولاً سوق اولنه بیلیمک اوزره فعل مذکورک مجازات تهریبیه یه مستلزم افعالندن اولدینی بولنده مذکور مستنطقلکه جنجه ایکنجی برقرار اعطا ایدلمسی ضرورتیه مبتنی بر اصول وتعامل ایجاباتندن اوله رق بناء علیه مذکور مستنطقلکه جنجه اشبواصول وتعامله مخالف معامله اتخاذ ایدلدیکندن دولای هیئت اتهامیه جه اعتراض مذکورک قبولی یولنده مضبوطه اعطا اولنسی لازم کلورکن ردینه قرار ویرلمسک مخالفت قانونیه سندن بحثله مذکور مضبوطه نک تقضی

استدعا اولئش تبليغنامه ده دخی مستنطقلرك هر نوع مقرراتی علمینده مدعی عمومیلرك اعتراض ایتك هیئت اتهامیه لرك دخی بوباده کی اعتراضاتی تدقیق ایلک وظائف قانونیه سیله مكلف بولندقلری اصول مذکورك یوز اوتوزنجی و یوز طقسان طقوزنجی ماده لرله مواد متعاقبه سی مطالعه سندن منفهم اولمسنه بناءً هیئت مذکوره جه اعتراض واقعك مقدما ویریلان جنحه قرارینه تعلق ایتدیکنه ذهاب ايله قرار مذکورك کسب قطعت ایتش اولدیغندن بخله اعتراضنامه نك ردینه قرار اعطاسی مخالف قانون و تمیز لایحه سنده محرر اعتراضات بو طریقله واد و بجا بولنش ایدوکی بیانیله مضبطه مذکورك نقضی لزومی کوسترلشد.

ایجابی لدی المذاکره اصول محاکمات جزایه قانوننك یوزیمش یدنجی ماده سنده کوسترلدیکی اوزره جنجه درجه سنده لزوم محاکمه قرار یله محکمه یه سوق اولنان دعوانك عندالحا که جنایت نوعدن کورلدیکی صورته اوراقلک مستنطقلک تودیعیله مستنطقلکجه محاکمات و تدقیقات اخیردن متحصصل نتایج کوره نوع جرم حقنده ایکنجی دفعه اوله رق برقرار ویرلمی مقتضی اولدیغی و اولجه تنظیم قلنان قرارنامه ايله جنحه درجه سنده کوریلان فعل وحرکتدن دولایي محکمه عائد سنججه امر محاکمه ابتدار اولنان مظنون سلیمانك حرکت مذکور سناك جنایت نوعدن معدودی قرار یله اوراقلک دائره استنطاقیه تودیعی یولنده جریان ایدن معاملات اخیره اوزرینه ایشی محکمه یه سوقدن عبارت بولنان اولکی قرارنامه نك موجودیتی موضوع بحث اوله میه جنی درکار بولندی حالده مستنطقلکجه سالف الذکر قرارنامه نك هیئت اتهامیه دن فسخ ایدلمه مش اولدیغی سرشته سیله ایشك تکرار تدقیقه مجبوری قانونیه اولمادیغی یولنده وعدم صلاحیتی متضمن صورته اتخاذ قرار اولمسنك ماده مذکوره حکمنه مغایرتی کیفیتی هیئت اتهامیه جه نظر اعتنایه التمسین اولجه تنظیم قلنان جنحه قرارنامه سی علمینه مدت قانونیه ظرفنده اعتراض واقع اولماسندن ناشی کسب قطعت ایتش اولدیغی جهتلله مذکور قرارنامه نك فسخ و تصدیقی صلاحیت خارجنده اولدیغی پالیان بوباده کی اعتراضك ردینه قرار ویرلمی یولسر و مخالف اصول وقانون اولوب لایحه تمیزیه محتویاتی وارد و بجا کورندیکندن اصول مذکورك اوچوز اون دردنجی و اوچوز اون طقوزنجی ماده لری موجبجه ذکر اولنان هیئت اتهامیه مضبطه سناك اسباب محرره دن ناشی نفضیله احکام قانونیه دائر سنده ایفای معامله اولنق اوزره اوراق متعلقه سناك هیئت اتهامیه یه اعاده سناک وایکی یوز غروش اعلام خرجنك تعرفه و تعالیمات مخصوصه سناک توفیقاً ایلروده حقسز چیه جق طرفدن استیفا سناک ۱۰ نisan ۳۲۶ تاریخنده متفقاً قرار ویرلدی .

محکمه تمیز استدعا دائره سندن صادر اولان ۳۱ مارت سنه ۳۲۶ تاریخی و ۴۲۱ نومرولی اعلام صورتیدر :

«جرمك ۱۰ تموز ۱۳۲۴ تاریخندن مقدم ایقاع ایدلیدیکندن دولایي عفو قانونی موجبجه حقوق عمومیه جهتنك تعقیباتدن وارسته طوتمسی تابع تعقیبات اولان حقوق شخصیه ادعاسنك مرجع رؤیتی تبدیل و تغییره سبب اوله میه جغه مبنی حقوق عمومیه عائد اسباب و دلائل موجوده نك دخی تعیین حکم وقوتی ايله جرمك نبوتی حالنده تحدید جزا یولنده برحکم اتخاذدن صرف نظرله یالکز حقوق شخصیه ادعاسنك قراره ربطی لازم کورکن شو احکام قانونیه یه توفیق معامله ایدلمیه نك حقوق شخصیه ادعاسنك محکمه جه رؤیتی غیر جائز اولدیغه قرار ویرلسی نقض حکمی مستلزمدر .»

بیروت ولایتی استیفاف محکمه سی جزا دائره سندن ایکنجی دفعه اوله رق تنظیم واعطا قلنان ۵ کانونانی سنه ۳۲۵ تاریخ و اوچوز یمش یدی نومرولی اعلامك تمیزاً تدقیقی طلبی حاوی زکیه بنت نیقولا شکور جانبندن معطی استدعا نامه اوراق متفرعه سیله برلکده باش مدعی عمومیلک مأموریت بهیه سندن باتلیغنامه ۲۹ مارت سنه ۳۲۶ تاریخنده محکمه تمیز استدعا دائره سناک تودیعی ایدلمکله ولدی التدقیق مذکور استدعا نامه نك مدت قانونیه سی ظرفنده اعطا و شرائط لازمه سائر سناك دخی ایفا قلندیغی ا کلاشلما قله بالقبول تدقیقات تمیزیه اجراسنه ابتدار قلندی .

اعلام مذکورك خلاصه مالی مستدعیه زکیه نك اشیا سنی سرقت ایدلیدی ادعاسیله مظنون علیهما اولان پترو ولد خرستو ايله طریقته نك عندالحا که فعل مذکوره جرأتلری مرتبه نبوته واصل اوله مادیغندن برائترینه و انجق مظنون مرقوماندن پترونك مزبوره زکیه یی ضرب ایتدیکی ثابت اولمسندن دولایي قانون جزانك یوز یمش طقوزنجی ماده سی حکمنه توفیقاً کندوسندن بریحق التون التهرق مضروبیه اعطاسنه دائر لاحق اولان حکم ابتدائی اعلامی مدعیه شخصیه مزبوره جانبندن استیفاف اولنسی اوزرینه سبق ایدن محاکمه و تدقیقات استیفافیه نتیجه سنده مدعی شخصیلرك برائتی تضمن ایدن مقرراتی استیفافیه صلاحیت قانونیه لری اولمادیغندن بخله اولباده کی استیفاف استدعا نامه سناك ردینه دائر صادر اولان اعلام استیفافینك عندالتمیز اسباب قانونیه دن دولایي نقض واعاده اولنسی اوزرینه بوکره اسباب نقضیه اتباع صورتیه اجرا قلنان محاکمه فعل واقعك ۱۰ تموز سنه ۳۲۴ تاریخندن مقدم وقوع بولمسنه وشو حاله کوره ادعای شخصی یی تولید ایدن سرقت ماده سی حقنده درمیان اولان دلائل و اماراتك تحقیقاتی ایسه محکمه جه حقوق عمومیه دعواسنه کیریشمکله ممکن اوله بیلوب حال بوکه بوکا دائر اولان معافیت قانوننامه سی حقوق عمومیه دعواسنی رؤیتدن محکمه یی منع ایتش بولمسنه نظراً اصل اولان حقوق عمومیه دعواسی مرتفع اولنجه فرغدن اولان حقوق شخصیه نك دخی اسباب مسروده دن ناشی محکمه جه رؤیتی غیر جائز اولدیغندن بخله اولباده کی استیفاف استدعا نامه سناك ردینه قرار ویرلیدیکی متضمندر .

لايحه تميزيه ده حقوق عموميه دن متولد دعاوينك اثبات اولماديقه عفو عمومى به داخل اوله مائه جنى كى عفو عمومىك حقوق شخصيه به شمولى اولمادىني حاليه بوجه محرر اتخاذ قرار ايدلمسى مخالف اصول وقانون ايدوكندن بجله اعلام استينافيك نقضى استدعا ايدلىكى كى تبليغنامه ده دخی معايت قانونك بومقوله دعاوى به متعلق اولان احكامى موادينك حقوق شخصيه به خلال و برمه جكي التجبى ماده سى صراحتى اقتضا سندن اولوب بويله حقوق عموميه دن منبعث حقوق شخصيه دعاورينك حكمه ربط ايديله بيلمسى همچون ذات ماده حقنده درميان اولنان دلائل و اماراتك تدقيقه ثبوتى حالنده يالكز تضميناته حكم اعطاسيله اكتفا اولمى لازم كلوركى محاكمه استينافيه به بوجتهك نظر دفته التامى مخالف قانون اولوب لايحه تميزيه محتوياتى وارد و بجا بولمش اولدينى بيانيله اعلام مذكورك نقضى لزومى مرقم بولمشد.

ايجاي لى المذاكره اوراق متعلقه مندرجاتندن استنباط اولندينى اوزره محكمه استينافيه به نقض واقعه اتباعاً اجراى تدقيقاته ابتدار اولمغله برابر مظلونله اسناد اولنان سركت جرمك ١٠ تموز سنه ٣٢٤ تاريخندن مقدم ايضاع ايدلمش اولدينى باليان حقوق عموميه جهتهك قانون مخصوصى موجبجه تعقيبات قانونيه دن وارسته بولنديغه و بوندن متولد حقوق شخصيه ادعاسنك دخی محكمه به رؤيتى غير جائز اولديغه بناءً مدعيه شخصيه زكيه نك اولبالده كى استيناف استدعائمه سنك رديته قرار ويرلمش ايسه ده قانون مذكورك التجبى ماده سى منطوقجه كاك ان تابع تعقيبات اولان حقوق شخصيه ادعاسنك رؤيت و تدقيق لازمى دن اولوب حقوق عموميه جهتهك برمنوال محرر تعقيباتدن وارسته طوتلى ادعاى مذكورك مرجع رؤيتى تبديل و تغييره سبب و علت اوله مائه جنى دركار بولمش اولمسيه محكمه استينافيه به ايشك بوتقطه دن دوام تدقيقاتى ومع هذا شوصر ده حقوق عموميه به عائد اسباب و دلائل موجوده نك دخی تعيين حكم و قوتى ايله جرمك ثبوتى حالنده كرك بدايةً لاحق اولان براءت قرارينك مدعى عموميك مقامندن استيناف اولنماسندن و كرك ذكر اولنان قانون منطوقجه حقوق عموميه نك اليوم تعقيباته غير تابع بولمسندن ناشى تحديد جزا بولنده برحكم اتخاذندن صرف نظرله يالكز حقوق شخصيه ادعاسنك قراره ربطى و عكسى تقديرده ردى صورتيله تدقيقات استينافيه نك نتيجه لندى لمسى لازم كلوركى محكمه استينافيه به شو احكام قانونيه به توفيق معامله ايدلمسى بولمز و مغاير اصول اولوب لايحه تميزيه محتوياتى بوجهله وارد و بجا كورنديكندن اصول محاكات جزائيه قانونك اوچيوز اون دردنجى و اوچيوز اون طقوزنجى ماده لرى موجبجه اعلام اخير استينافيك دخی اسباب محرره دن ناشى يالكز حقوق شخصيه جهتهك تفصيله احكام قانونيه دائره سنده ايفائى معامله اولمق اوزره اوراق دعوانك محانه اعاده سنه و ايكي يوز غروش اعلام خرجك تعرفه و تعليمات مخصوصه توفيقاً ايلروده حقنز حيقه جق طرفندن استيفاسنه ٣١ مارت سنه ٣٢٦ تاريخنده متفقاً قرار ويرلدى.

محكمه تميز استدعا دائره سندن صادر اولان ١١ نيسان سنه ٣٢٦ تاريخلى و ٤٤٤ نومرولى اعلام صورتيدر :

« اثنای محاکمه ده جرمك وقوعى متعاقب رئيس محكمه جانبندن وقعه نك صورت جريانى حقنده درحال بر ضبط ورقه سى تنظيم ايدلمكه برابر مظنون ايله شاهدلر استماع اولندقدن صوكره اتخاذ قرار اولمق لازم ايكن بو جهاته رعايت ايدلمسى نقض حكمى مستلزمدر . »

طرز ون ولايتى استيناف محكمه سى جزا دائره سندن تنظيم واعطا و ١٧ تشرين ثانى سنه ٣٢٤ تاريخنده امر تفهيمى اجرا قلنان ٢١ تشرين اول سنه ٣٢٥ تاريخ و اوچيوزيتمش يدى نومرولى اعلامك تميزاً تدقيقى طلبنى حاوى كوشخانه سنججى ژاندارمه يوزباشيسى حاجى ابراهيم آغا جانبندن معطى استدعائمه و اوراق مقررعه سى باش مدعى عموميك مأموريت بهيه سندن با تبليغنامه ٨ نيسان ٣٢٦ تاريخنده محكمه تميز استدعا دائره سنه توديع اولمش و لى التدقيق مذكور استدعائمه نك مدت معينه قانونيه سى ظرفنده اعطا و شرائط لازمه سائر سنك دخی ايفاء قلندينى اكلاشلمش اولمغله بالقبول تدقيقات تميزيه اجراسنه ابتدار قلندى .

اعلام مذكورك خلاصه مالى لواء مذكور بدايت محكمه سى جزا دائره سى رئيسى يونس بكى اثنای محاکمه ده تهديد و تحقير ايتديكى ثابت اولان مستدعى ابراهيم آغانك قانون جزانك يوز اون ايكنجى ماده سنك فقره اخيره سى حكمه توفيقاً التى ماه حبسنه دائر بدايةً و يريلان اعلام محكوم مرقوم جانبندن استيناف ايدلمكه اولبالده اجرا قلنان محاكمه و تدقيقات استينافيه نتيجه سنده احضار مذكورلرينك وقت و زمانيله تنفيذى جهته كيدلمسى اسبابنك استيضاحى ضمننده حضور محكمه به جلب اولنان يوزباشى ابراهيم آغانك تربيه عسكريه به مغاير اوله رق لسان شديد استعماليله رئيس مومى الهى تهديد و تحقير ايدلىكى ضبط ورقه سى مندرجاتيله ثابت اولديغندن بجله مرقومك محكوميته دائر بدايةً صادر اولان قرار موافق اصول و اسباب ثبوتيه به مستند اولوب اعتراضات واقعه وارد و فسخ حكمى مستلزم كوريله مديكى باليان استيناف استدعائمه سنك رديله حكم مستأنف بهك تصديقه قرار ويرلمديكى متضمندر .

لايحه تميزيه ده رئيس مومى الهى حقنده بركونا حقارتده بولنمايوب مومى الهى كندوسنى محكمه به دعوتله حقلرنده جلبنامه تسخير اولنان شاهدلرك جلب ايدلمديكندن بجله كندوسنى تحقير و اطاله لسان ايلسندن دولايى عليهنده اقامه دعوى ايدلىكى حاليه رئيس مومى الهى هم مدعى وهم مدعى عليه صفتلريله حقنده اعطاي حكمه تصدى ايدلمكه برابر صورت جريان وقعه حقنده استماع شهود و اجراى تحقيقات اولنمقسنين محكمه خدمه سنه تحميم ايتديريلان ضبط ورقه سنك مدار ثبوت عد ايدلمسى وقوعات مذكور نك مذاكره او طه سنده رئيس مومى الهى ك اعضاى سائر ايله مصاحبت ايتكمده اولدقلى حاليه جريان ايتديكنه دائر اولان مدافعه سنك بلا تدقيق حكم ابتدائيك تصديق اولمى مغاير قانون ايدوكندن بجله اعلام استينافيك نقضى استدعا اولمش

تبليغنامه ده دخی اصول محاکمات جزاییه قانونک یوز التمش بشنچی ماده سنده مصرح اولدینی اوزره اثنای محاکمه برجنجه وقوعبولدینی حالده علی الاصول ضبطورقه سنک تنظیمی وشهودک استماعی مظنونک استجوابی وصاوشه رق محاکمه به طورشمقدن امتناعی حالده دخی کیفیتک اعلامه تصدیقی ایله نتایج حاصله به کوره اعطای حکم اولمنی مقتضی ایکن اشبو مسئله ده شاهدلر استماع ومظنونک محاکمه ده بولنامسی سببی توضیح اولمنسزین اعطای حکم ایدلمش اولمنی استینافاً فسخ حکمی مستلزم اسباب قانونیه دن ایکن بو جهت نظر دقتہ التمسزین واستیناف استدعایه سیله لایحه سنده بسط وتمهید ایدیلان اعتراضاتک ده اجوبه ردیه سی بیان اولمنسزین اعلام ابتدائیک قانونه موافق اولدیغندن بحثله تصدیقی جهته کیدلمی یولسز وقانونه مخالف ولایحه تمیزیه مندرجاتی بو طریقله وارد اولدینی بیانیله اعلام مذکورک نقضی لزومی کوسترلمشدر .

ایجابی لدی المذاکره منسدرجات اعلامدن استنباط اولدینی اوزره مظنون حاجی ابراهیم آتاک هیئت محاکمه نی تحقیردن عبارت اولان حرکت واقعه سندن دولای اصول محاکمات جزاییه قانونک یوز التمش بشنچی ماده سی منظوقجه جرمک وقوعی متعاقب رئیس محکمه جانبندن وقعه نک صورت جریانی حقه ده درحال بر قطعه ضبط ورقه سی تنظیم اولمنغله برابر مظنون ایله شاهدلر استماع اولندقدن صکره اتخاذ قرار اولمنق لزومه قارشو درجه اولی محکمه سنجه بو بایده تنظیم قلوب اوراق میانده موجود اولان ضبط ورقه سی یالکز هیئت محاکمه ایله ضبط کتبی ومباشر طرفندن تختم ایدیلوب محاکمات علنیه نی استماع ایتک اوزره کیش ووقعه نی مشاهده ایتش اولان اشخاص سائرهنک امضالرینی محتوی اولماسی اعتباریه صورت تنظیمی تعریفات قانونیه غیر موافق بولنش اولدینی وبوده حکم واقعک فسخی مستلزم خطیات ونواقص اصولیه دن بولندینی حالده محکمه استینافیه جه بورالری نظر دقتہ التمسزین حکم مذکورک اصالتدن بحثله تصدیقی جهته کیدلمی تبلیغنامه ده دخی مرقم اولدینی وجهله یولسز ومغایر اصول وقانون اولوب لایحه تمیزیه محتویاتی شو صورته وارد وبعجا کورندیکندن اصول محاکمات جزاییه قانونک اوچیوز اون دردنجی و اوچیوز اون طقوزنجی ماده لری منظوقجه اعلام استینافینک اسباب محرره دن ناشی نقضیه احکام قانونیه دائره سنده ایفای معامله اولمنق اوزره اوراق متعلقه سنک محکمه مذکوریه وتمیز جزای تقدیمی اوله رق عدلیه وزنه سنه تسلیم ایدلمش اولان بش لیرانک دخی اصول مذکورک اوچیوز قرق اوچنجی ماده سی موجبجه مستدعی مرقومه اعاده سنه وایکی یوز غروش اعلام خرجنک تعرفه وتعلیمات مخصوصه سنه توفیقاً ایلروده حقسز حقیقه جق طرفدن تحصیلنه ۱۱ نیسان ۳۲۶ تاریخده متفقاً قرار ویرلدی

محکمه تمیز استدعا دائره سندن صادر اولان ۷ نیسان سنه ۳۲۶ تاریخی و ۴۳۸ نومرولی اعلام صورتیدر :

« جلبه قرار لاحق وامر تبلیغ ایفا اولنان شاهدک عدم اجابتی اوزرینه حقه ده معامله قانونیه ایفای صورتیه قرار واقعک تنفیذی لزومه قارشو بولنه مدینی بیانیله جلب واستماعدن صرف نظر اولمنی وتحقیقات اوله ورقه سنده اسامی محرراشخاص جلب ایدلهرک تحقیقاتک نقصان برافله سی نفض حکمی مستلزمدر »

دیاربکر ولایتی استیناف محکمه سی جزا دائره سندن تنظیم واعطا ۱۱ شباط سنه ۳۲۵ تاریخده امر تفهیمی اجرا قلنان ۱۸ شباط سنه ۳۲۵ تاریخ وایکی یوز الی ر نومرولی اعلامک تمیزاً تدقیق طلبنی حاوی محکمه مذکوریه مدعی عمومیلکی جانبندن معطی استدعایه واوراق متفرعه سی باش مدعی عمومیلک مأموریت بهیه سندن بتبلیغنامه ۵ نیسان سنه ۳۲۶ تاریخده محکمه تمیز استدعا دائره سنه تودیع اولنش ولدی التدقیق مذکور استدعا نامه نک مدت قانونیه سی ظرفده ویرلدیکی اکلاشامش اولدیغندن بالقبول تدقیقات تمیزیه اجرا سنه ابتدار قلندی .

اعلام مذکورک خلاصه مفادی بقال حسینک بر رأس قیوتی مسروق اولدینی بیله رک آلدینی ادعایه مظنون علیه ارلان ماردیک اوغلی طوماسک قانون جزانک ایکی یوز اوتوزنجی ماده سی ذیانه توفیقاً بر هفتة حبسنه دائر لاحق اولان حکم ابتدائی اعلامی مرقوم طرفندن استیناف ایدلمی اوزرینه اولبایده جریان ایدن محاکمه وتدقیقات استینافیه نتیجه سنده میدانده موجب فسخ احوال کوریه مدیکندن بحثله اعلام مذکورک تصدیقه قرار ویرلدیکی متضمندر . لایحه تمیزیه ده طرفیه اصولی دائره سنده تبلیغات اجرا قلوب قلندینی مشکوک اولدینی حالده امر محاکمه نک اکل ایدلمی وحقوق عمومیه نامه بدایت مدعی عمومیلککنده بولنان محکمه استیناف اعضاسندن حاجی محمد افندینک طلبنامه ایله اقامه دعوی ایتدیک حالده استینافاً جریان ایدن محاکمه حاکم صقیله بولنش ومحاکمه نک محکمه مذکوریه اعضاسندن برینک تقدیری اوزرینه اجرا قلمنامش اولمنی ومدعایه اولان قیونک مال مسروق اولدینی اول امرده تبیین وتحقق ایتدیک کی سارقیه ده تعین ایتیه رک شو صورته نقصان تحقیقاته بناء مرقوم طوماسک محکومیتته متدائر اولان حکم ابتدائیک عندالاستیناف تصدیق جهته کیدلمی مخالف قانون ایدوکنه دائر اعتراضات سردیه اعلام استینافینک نقضی استدعا قلندینی کی تبلیغنامه ده دخی بدایت محکمه سنده مظنون علیه طوماسک اوتوزیدی غروشه اشترا ایدرک ذبح ایدلکی قیونک مال مسروق اولدینی مدعی شخصی حسین کله رک سویلسیه پوستی مرقومه ویردیکنی وقیونی اشترا ایدرکن بازار اوغلانی کرد وقصاب بازار اوغلانی سلیمانک کوردکلرینی افاده ایتسی اوزرینه مرقومانک جلب واستماعلرینه قرار ویرلهرک اکل محاکمه یوم آخره تعایق ایدلمش ویوم معینده مرقومانک بولنه مادقلری بیانیله وبعض مطالبات ایرادیه اکتفا اولنهرق اعطای قرار اولنش ایسه ده اوراق میانده موجود وبازار اوغلانی کردنامه محرر جلبنامه زیرنده « معرفت عاجزانه مله تبلیغ اولنش در » عبارده سنی محتوی ومضی شرح کورلمسنه

نظراً شاهد مرقومك بولنه رق جلبنامهك تبليغ ايدلديكي اكلاشلمسى وعدم ورودى اوزرينه جزاى نقدى حكميله احضارى ضرورى بولنمى وسليمان نامنه ايسه اوراق مياننده جانباه موجود اولماسى جهتي دخي جالب دقت اولمى اعتباريله محكمه جه بولرك بولنه مدقلىرينك و جلبلرينك كيفيت تفسيرينك نيه مستند ايدوكنك اعلامده كوسترلمسى وموجود ضبطورقه سنده اسملى محرركسان ايله استتقافاً افاده لرى مضبوط اشخاصك جلب واستماع وبوبابده مقتضى تحقيقات تعميق اولنه رق مدكور قيونك مال مسروق اولديغى بيله رك مرقوم طوماسك الدينى حقنده استحصال اولنه جق اسباب ثبوتيهك درج وتوضيحيه اعطاي قرار اولمق لزومندن ذهولاً و يرلش اولان حكم ابتدائيك عندالاستيناف تصديق مخالف قانون اولديكى كجى بدایت مدعى عموميلكنده بولنش واقامة دعوى ايلش اولان حاجى محمد افنديك محاكمه استينافيه ده هيئت حاكمه مياننده بولنديغنه واصول محاكات جزائيه قانونك يوز طقسان برنجى ماده سنده مصرح اولدينى وجهله استيناف اعضاسندن برذات طرفندن تقرير تنظيمى مقتضى ايكن شوقاعده قانونيه رعايت اولمايغنه واساسه متدائر لايحه تميزيده درميان اولنان اعتراضاتدن برنجيسى وارد و بجا كورلش اولدينى بيانيله ذكر اولنان اعلامك نقضى لزومى كوسترلمشدر .

ايجابى لى المذاكره اوراق متعلقه مندرجاتندن استنباط اولندينى اوزره درجه اولى محكمه سنجه مظلون طوماسك عن الغياب اجراسنه ابتدار اولنان محاكمه سنى اثناسنده قرائت اولنان افاده استنطاقيه سى مدعابه قيونى بازار اوغلانى كرد ايله سليمانك معلوماتى تحتنده اوله رق بر شخصدن صاتون الدينى مركزنده اولوب مدعى عموميلك مقامندن دخي مرقومانك جلبى بولنده وقوع بولان طلبه بناءً اولوجهله قرار لاحق اولمش ومرقوماندن كردنامه ترقيم واملاقنان جلبنامه زيرينه مباشرى طرفندن يازيلان شرحده امر تبليغك ايفا اولنديكى كورسترلش ايكن مرقومك عدم اجابى اوزرينه حقنده معامله قانونيك ايفاسى صورتيله قرار واقعك تنفيذى لزومنه قارشو بولنه ماديلى بيانيله جلب واستماعندن و اوراق مياننده نامنه محرر ورقة دعوتيه غير موجود اولمى اعتباريله كندوسنه تبليغات قانونيه وقوع بولمايغى استدلال اولنان واسم وشهرتى معلوم بولنان ديكر شاهد مزبور سليمانك دخي بواساسه عطفاً محكمه يه دعوت اولمى سندن صرف نظر ايدلديكى كجى تحقيقات اوليه ورقه سنده اساميسى بولنان ديكر اشخاصك جلب واستماعى صورتيله توسيع وتعميق تدقيقات لزوم و وجوبنه عطف نظر دقت ايدل كسزين ومدعى شخصيك دخي تحت تصديقده اولدينى اوزره وقوع مراجعتنه بناءً مذكور قيونك باشيله دريسنى اعاده ايتديكى بولنده مظلونك سبق ايدن اقرارى عليه ده دليل قانونى تشكيل ايدمه جكي دركار ايكن شوجهت تأمل وملاحظه اولمق سزين مظلون مرقومك تحديد جزاسنه دائر لاحق اولان ونقصان تدقيقاته مبتنى ولازم القسخ بولنان حكم ابتدائيك شوخطيات قانونيه ونوايص اصوليهك موجوديته قارشو اصابتدن بجله تصديق ايدلمسى يولسز ومغاير اصول وقانون اولوب لايحه تميزيه محتوياتى تبليغنامه ده دخي مرقم اولدينى وجهه وارد ويجا كورنش ايدوكندن اصول محاكات جزائيه قانونك اوچيوز اون دردنجى

واوچيوز اون طقوزنجى ماده لرى منطقجه مذكور اعلام استينافينك اسباب محرردن ناشى نفضيله احكام قانونيه دائره سنده ايفاي معامله اولمق اوزره اوراق متعلقه سنىك محكمه محليه اعاده سنده وايكى يوز غروش اعلام خرجك تعرفه وتعليمات مخصوصه سنده توفيقاً ايلروده حق سز چيقه جق طرفدن استيفاسنه ٧ نيسان سنده ٣٣٦ تاريخنده متفقاً قرار ويرلدى .

محكمه تميز حقوق دائره سندن صادر اولان ١٣ حزينان سنده ٣٣٦ تاريخلى ٧٧٨ نومرولى اعلام صورتيدر:

« تذكیه سریده مذکیرک شهودک عدل ومقبول الشهاده اولدقلىنى کوسترملری،
وتذکیه عانیه اثناسنده طرفین ايله برابر شهودک حاضر بولنديرلى لازم اولديغنه دائره

ساقز جزیره سنده مقیم یورکی ولد یانی یوریا فندی ايله چشمه قضا سنده تابع ایلدبری قریه سى اهالی سندن اولوب موقه ساقزده ساکن قپودان قسطنطی خوندر و نیقوله ولد نیقوله بیننده متکون دعوا یه دائر ساقز تجارت محکمه سندن ٢ کانون اول سنده ٣٣٥ تاریخى و اوتوز عددی ايله ویریاوب مرقوم یورکی طرفندن مدت قانونیه سى طرفنده تمیز ایدیلان اعلام طرفینك اعتراض وجواب لایحه لریله بالمطالعه تدقیقات تمیزیه اجراسنه ابتدار قلندی .

اعلام مذکورک خلاصه مندرجاتى مزبور قپودان قسطنطینك مرقوم یورکی ذمتنده کیرچ ائمانندن غیر از تسلیم متباق آلاجنی اولان بیك بشیوز یکریمی یدی بچق غروشك مع اجرای موقت تحصیلى طلب ودعوى ومدعى علیه یورکی دخي سالف الذکر کیرچی مدعى مرقومدن صاتون المایوب دیمتری حاجی آندونا کی نام کمنه دن آلهرق بدلى اعطا ایلدیكى دقیق ائمانيله تقاض ومحسوب صورتيله تسویه ایلدیکنندن مدعینك رد ادعائى مدافعه بیان وادعا ایتلری اوزرینه شخص ثالث صفتيله داخل محاکمه اولان دیمتری حاجی آندونا کی حضوريله جریان ایدن محاکمه وتدقیقات نتیجه سنده مدعى قپودان قسطنطینك مدعى علیه یورکی ذمتنده کیرچ ائمانندن غیر از تسلیم متباق بیك بشیوز یکریمی یدی بچق غروش آلاجنی اولدينى اولسارده استماع اولنوب سرأ وعلناً تذکیرلری اجرا قلنان شاهدلرک شهادتيله ثابت اولسنه بناءً مجلهك بیك سکز یوز اون سکزنجى ماده سى موجبجه مدعابه بیك بشیوز یکریمی یدی بچق غروشك مدعى عالیدن بالتحصیل مدعى یه اعطاسنه ومدعى علیهك شخص ثالث مزبور دیمتری حاجی آندونا کیده اولان آلاجنندن دولای اقامه دعواده مختار اولدیغنه ومدعینك اجرای موقت حقنده کی طابنك ردینه حکمیدن ومسئدعى تمیزك اشبو حکم علیه نه لایحه سنده محرر خلاصه اعتراضاتى عندالحا که شخص ثالث صفتيله حاضر بولنان دیمتری حاجی آندونا کی یه برکونه سؤال توجیه ایدلما سى وشاهدلرک یکدیگر مابین اولان افاده لریك محكمه جه قبوليله حکم ایدلمسى

وامر تذكير لرينك اصولی دائره سنده اجرا قلماسی یواسز ومغایر قانون اولدیغندن بحثله اعلامك تقضى استدعاسندن ولايحه جوابیه مؤداسی دخی غیروارد اولان اعتراضات مذکورہ نك ردیله موافق اصول وقانون اولان اعلامك تصدیق طلبندن عبارت بولمشد.

ایجابی لدی المذاکره کیفیت ادعا برمنوال محرر حکم واعلامه ربط اولمش ایسهده مجله نك بیک یدی یوز اون سکنجی ماده سنده محرر اولدیغی اوزره تذکیریه سیده مذکیرك شهودك عدل ومقبول الشهاده اولدقاری کوسترملری لازم کلور ایکن کندولرینک ایو وناموسلی آدملر ایدوک کوسترلك صورتیله واقع اولان تذکیریه سیه نك قبول ایدلسی وتذکیریه سیه دن صکره تذکیریه علینک لزومی سرآ مذکیرك شهودك باشقه ذوات اولدیغی ظنیله تذکیریه ایتیش اولق امثالی ازاله ودفع اشتباه اولمغله بومقصودك حصولی ایچون تذکیریه علینک اثناسنده طرفین ایله برابر شهود حاضر بولندیرلسی لابد اولدیغی حالده بوجهتلره دقت اولناماسی یولسز واصل وقانونه مغایر کورلمش اولدیغیه بنسأ اصول محاکمه حقوقیه قانوننک ایکی یوز اوتوز ایکنجی ماده سی موجبجه اعلام مذکورك تفضیله قانون مذکورك ایکی یوز قرق درنجی ماده سی حکمنه توفیقاً کیفیئتک محکمه مذکوریه اعاده سینه وزیرده مفرداتی مرقم درتیوز اوتوز یدی غروش مصارف تمیزیه نك ایلروده حقسز چیقه جق طرفه حاد اولسنه ۲۳ حیران سنه ۳۲۶ تاریخده اکثریت ارا ایله قرار ویرلدی.

محکمه تمیز حقوق دائره سندن صادر اولان ۹ کانون ثانی سنه ۳۲۵ تاریخلی ۹۰۱۱ نومرولی اعلام صورتیدره

« برحیات بولمنی ینه سی اولجه وفات ینه سی اوزرینه راجع وملك مؤرخ دعواسنده تاریخلی مقدم اولانك ینه سی اولی اولدیغیه دائر »

خیره بولی قضاسنك حرتهالی قریه سنده ساکن مستان اوغلی مقصود ازا ایله قریه مذکورده ساکنه علی کریمه سی وحسین زوجیه سی فهیمه خاتون یننده متکون دعوايه دائر تکفورطاعی بدایت محکمه سندن استیناف صفی و ۲۹ حیران سنه ۳۲۵ تاریخده التمش یدی عددیله ویریلان اعلام مرقوم مقصودا ظ طرفندن مدت قانونیه سی طرفنده تمیز اولمغله باش مدعی عمومیلک مأموریتنک مطالعه نامه سی التندقدن صکره اعلام مذکور طرفینک اعتراض وجواب لایحه لرله بالمطالعه تدقیقات تمیزیه اجراسنه ابتدار اولندی اعلام مذکورك خلاصه مندرجاتی مزبوره فهیمه قادین ایله مرقوم مقصود ازا یننده منازع فیه اولان حرتهالی قریه سی حدودی داخلنده بولنان معلوم الحدود برقطعه خانه دعواسنه دائر خیره بولی بدایت محکمه سندن صادر اولان اعلامك عندالاستیناف فسختدن وذی الیدلک بالینک ثابت اوله رق مقصودا ظ طرفندن درمیان ایدیلان وظیفه اعتراضك ردندن صکره اکمال محاکمه ایچون تعین قلنان کونده مستألف علیها فهیمه قادینک کلامسی اوزرینه محافظه حقوقی ضمنتده تعین ایدیلان وکیل مسخر حضوریه جریان ایدن محاکمه وتدقیقات نتیجه سنده مزبوره فهیمه

قادینک واضع الید اولدیغی بالینه تحقق ایدن مذکور الحدود والمشمولات خانه نك اوچ ربع حصه سینه مستألف مرقوم مقصود ازا متصرف و مالك اولدیغی مبرز سند مندرجاتیله تحقق ایتیش ومزبوره نك بو بابده کی مداخله سی بیوجه بولمش اولدیغندن منع مداخله سیله بالاسترداد مستألف مرقومه تسلیمنه دائر عن الغیاب صادر اولان اعلام استینافی علیهنده مزبوره فهیمه قادین طرفندن اعتراض علی الحکم استدعاسی اعطاومدعا به خانه اساساً پدر ومورثلری علی اغانك ملكی اوله رق بیک ایکی یوز طقسان التی تاریخده وفاتی وقوعنه مبنی کندوسیله دیگر ایکی نفر همشیره لرینه سوياً انتقال ایدره ك همشیره لرندن فاطمه حصه سی اقرار ایله عاکف وشقیقه ده حصه سی کندوسنه بیع وفراغ ایدره ك حال حاضرده مدعا به اولان خانه نك پدرندن انتقالاً وهمشیره سندن تفرغاً ومستقلاً ملك صریحی اولدیغیه ومرقوم مقصود ازا بوخانه نك برادری حسمنك بلاول وفاتیله اوچ یوز اون یدی سنه سنده درت حصه دن اوچ حصه سی مرقومه وبر حصه سی کندوسنه انتقالی مبین بر قطعه سند ابراز ایتیمکده ایسهده اساساً مرقوم حسمن کندوسنك اولکی زوجی اولوب حین تأهلنده ایچ کویکی صورتیله کش وهر نصلسه طقسان طقوز سنه سی یوقلمه سنده مذکور خانه یی عهده سینه قید ایتدیرمش ایسهده مذکور خانه ده بر کونا علاقہ سی اولمایوب بروجه محرر پدرندن انتقالاً وهمشیره سندن تفرغاً مایکی اولدیغی ادعا ایتسی اوزرینه جریان ایدن محاکمه وتدقیقات وجاهیه نتیجه سنده معترضه مزبوره واضع الید اولدیغی بالینک ثابت اولان خانه اساساً پدری علینک تحت تملك وتصرفنده اولوب اولا پدرینک و اخیراً والده سمنك وفاتلرندن طولانی مذکور خانه همشیره لری فاطمه وشقیقه یننده اوچ حصه یه تقسیم ایدیلره ك بولردن فاطمه حصه سی تفریق وشقیقه ابه کندی حصه لری بر آراد اوله رق ابقا ایتیش و اخیراً شقیقه نك حصه سی دخی مبايعه واشترا ایدره ك اول صورتله مذکور خانه یه مالك ومتصرفه بولمش اولدیغی حقتده کی اداسنك انکارینه مبنی اثباتی قرارگیر اولسنه وطرفین اثبات مدعان اظهار عجز ایدره ك مزبوره فهیمه قادینه قارشو توجه ایدن یمینی مرقوم مقصود اغانك اجرا ایتدیرمامسنه مبنی اصول محاکمه حقوقیه قانوننک یوز الی سکنجی ماده سی حکمنه توفیقاً اعلام معترض به ك جرح وابطالیه مجله نك بیک سکنز یوز اون طقوزنجی ماده سی موجبجه مقصود اغانك مدعی مزبوره قارشو معارضه سنك منعه حکمدن ومستدعی تمیزك اشبو حکم علیهنده لایحه سنده محرر اعتراضاتنک خلاصه سی مذکور خانه اساساً علی اغانك اولوب وفاتیله ورثه سینه انتقال ایتدیکی و ورثه دن شقیقه ایله حفیظه حصه لرینی برادرلری متوفی حسن اغایه صاندیغی ومتوفای مومی الیه طرفندن هدم ایدیلره ك یکیدن انشا ایتیش اولدیغی وبلاول وفاتیله اوچ حصه سی کندوسنه قالدیغی ویدنده کی سند خاقانی بوجهتی مؤید اوله رق مجله نك بیک یدی یوز التمش طقوزنجی ماده سی موجبجه یمین کندوسنه توجه ایدرکن خصمنه تکلیف ایدلسی یولسز ومغایر قانون اولدیغندن بحثله اعلامك تقضى ومدعی علیهانک لایحه سنده محرر نتیجه جوابی دخی اعتراضات مسروده نك واهی وبی اساس اولدیغی بیانیه ردی وموافق

اصول وقانون اولان اعلامك تصديقي استدعاسندن وانف البيان مطالعه نامه مالى ده وظيفه حقنده كي قرارك موافق قانون اولديني بيانندن عبارت بولمشد.

ايچايي مذا كره اولندقدن اعلام مذ كور مألندن منفيهم اولديني اوزره مدعي مرقوم مقصود افا مورث عليتك يتمش التي تاريخندن اولجه وفات ايتمسيه تاريخ مذ كورده منازع فيه خانه ورثه سنده موروث اولدقدن صكره اول عقارك متوفاي مرقومك ورثه سندن اشتر ايتك صورتيله مورثي وقرنداشي حسمك تحت تملكه كچمش اولديني ادعا ايتمسه قارشي مدعي عليها فهميه خاتم پدري مرقوم عليتك طقسان التي تاريخنه قدر بر حيات بولنديني سويلش اولمسه وتاريخ لاحقده بر حيات بولنق يينه سي اولجه وفات يينه سي اوزرينه راجح بولمسه كوره محكمه جه مرقومك بوادعاسي نظر دفته الهرق مزبورده نك كوستردكي تاريخه قدر في الحقيقه مورث مرقومك بر حيات اولديني اصولي دائره سنده اثبات ايدرسه مدعيتك بطلان ادعاسي تبين ايتمش اوله جغندن رد ادعاسنه قرار ويرلك وعدم ثبوت حالده مجله نك بيك يدي يوز التشنجي ماده سي موجبنجه مقدم تاريخ ايله شرا دعواسنده بولنان مدعيتك يينه سي راجح اولمقه مدعيه اثبات مدعا ايتديرك لازم كلوركن بويولده معامله اجرا ايدلامسي يولسز ومغاير قانون اولديغندن اصول محاكمه حقوقيه قانونك ايكي يوز اوتوز ايكنجي ماده سي موجبنجه اعلام مذ كورك نقصيله قانون مذ كورك ايكي يوز قرق دردنجي ماده سنك فقره اولاسي حكمنه توفيقاً كيفيتك صورت محرره دائره سنده بالرؤيه اعلامه ربطي ضمنده محكمه مذ كوره اعاده سنده وزيرده مفرداتي مرقم اولوب اول و آخر مستدعي تميز طرفندن ويريلان درتيوز اوتوز التي بچق غروش مصارف تميزيه نك ايلروده حقسز چيقه جق طرفه عائد اولمسه ٩ كانون ثاني سنه ٣٢٥ تاريخنده متفقاً قرار ويرلدي.

محكمه تميز حقوق دائره سندن صادر اولان ١ تموز سنه ٣٢٦ تاريخي و ١١٠٨ نومرولي اعلام صورتيدر:

«سنده مستند اوليان دعوايه قارشو وقوع بولان دفعك شهودله اثباتي جائز اولدينه
و حق يمين قبل الحكم اسقاط ايله ساقط اوله جق و يا خود تأخير وتأجيل ايله
تأخر ايدم جك حقوقندن اولمادينه دائر»

ازميرده قزلر اغاسي خاننده مقيم تجارندن خليل نظمي نورالدين افندي ايله آيدن قصبه سنك طاشلي محله سنده ساكن حاجي عمر اوغلي ملا خليل بيننده متحدث دعوايه دائر ازمير تجارت محكمه سندن ٤ شباط سنه ٣٢٥ تاريخي و درتيوز سكسان يدي عددی ايله ويريلان اعلام مومي ايله خليل نظمي افندي طرفندن مدت قانونيه سي ظرفنده تميز ايدلمكه طرفينك اعتراض وجواب لايحه لريله بالمطالعه تدقيقات تميزيه اجرا سنده ابتدار قاندي.

اعلام مذ كورك خلاصه مالى مزبور ملا خليلك مومي ايله خليل نظمي افندي ذمتنده قربانلق قيون

انمانندن متبالي سيم مجديه يكرمي غروش حسابيله الاجني اولان ديت بيك سكر يوز غروشك مع فائض ومصارف محاكمه مومي اليه ن تحصيلي حقنده اقامه ايلديكي دعوي اوزرينه مبلغ مذ كورك عندا اعتراض ايچاييه باقلمق اوزره مومي ايله خليل نظمي افندي طرفندن بالا اعتراض محاكمه غيايه نك قسم وجاهيسنده بيان وافاده ايتديكي اوزره مدطبه قيونلرك دردر مجديه فيئات اوزرينه بدلي كندوسي حسب الكفاله مترض عليه ويرديكي اولماديه كي ابرانامه ده محرر اولوب بوني شهود شخصيه ايله اثبات ايدم جكي بيان وبرقطعه ابرانامه ابراز ايتمش ايسده مذ كور ابرانامه ده مهر و امضا اولماديني جهته تطبيقات قانونيه اجراسي قابل اولميه جكي كجي زيرنده كي يرمق اشارتي دخي منكر بولمسه ودفع مذ كورك شهود شخصيه ايله اثبات ايدميه جكنه بناءً مترض مومي اليه مترض عليه بر يمين تكليفه حق اولديغنه قرار ويرلدى صكره جريان ايدن محاكمه وتدقيقات نتيجه سنده مترض عليه و كيلك بهر قيونك دردر مجديه دن فضله اولديني حقنده كي ادعاسي اثباتن صرف نظر ايتمسه ومترض حق يميني استينافته تعلق ايتمكه حقني الحق استينافده استعمال ايدميه جكنه ميني يوز رأس قيون ايچون برر مجديه دن جمعاً يوز مجديه نك مدعا بندن تنزيلي صورتيله اعلام غياييك تعديلاً تصديقه حكمدن ومستدعي تميزك اشبو اعلام عليهنده لايحه سنده محرر اعتراضاتك باشلوجه سي عندا اعتراض مبرز ابرانامه حقنده تدقيقات مقتضيه اجرا اولماديني كجي مذ كور ابرانامه ده اساميلري محرر شاهدلرك جليليه استماعي لازمه دن اولديني حالده محكمه مذ كوره جه بورالرينك نظردفته النامسي يولسز ومغاير قانون اولديغندن بخله اعلام مذ كورك نقضي استدعاسندن ولايحه جوابيه سي مؤداسي دخي اعتراضات مسروده نك بي اساس اولديني بيانيله ردی وموافق اصول وقانون اولان اعلامك تصديقي طلبندن عبارتدر.

ايچايي مذا كره اوله رق حكم مذ كور اسباب آتيدن يعني اول اعلام مذ كور مألندن مستبان اولديني اوزره اساس مطلوب سنده مستند اولديغنه دائر اعلامه برصراحت بولنامسه كوره بوكا قارشو وقوع بولان دفع وتسليم و ابرانك شهودله اثباتي جائز ايكن محكمه جه عدم جوازينه قرار ويريله رك مدعي عليه ك يمين تكليفه حق اولديغنه قرار ويراسي ثانياً حق يمين قبل الحكم اسقاط ايله ساقط اوله جق و يا تأخير وتأجيل ايله تأخر ايدم جك حقوقندن اولمادينه دن يونك محكمه استينافه تعلق ايلديكي يولنده كي مدعي عليه ك افاده سي قبل الحكم تكرار يمين محكمه ده حق تحايي استعماله مانع تشكيل ايدميه جكنك نظر دفته النامسي ثالثاً قيون بدلي اوله رق غياياً تحت حكمه النان مبالغدن اعتراضاً جريان ايدن محاكمه ده مبيع يوز قيون اولمقسه بهر قيون ايچون برر بچق مجديه دن يوزاللي مجيدي تنزيلي اقتضا ايتديكي حالده اشبو يوزاللي مجديه دن يالكنز يوزينك تنزيلي ايدلمسي يولسز واصول وقانونه مغاير اولديغندن اصول محاكمه حقوقيه قانونك ايكيوز اوتوز ايكنجي وايكيوز قرق برنجي ماده لري احكامنه توفيقاً اعلام مذ كورك نقصيله قانون مزبورك ايكيوز قرق دردنجي ماده سي موجبنجه كيفيتك بالرؤيه اعلامه ربطي ضمنده محكمه مذ كوره اعاده سنده وزيرده مفرداتي مرقم درتيوز اوتوز طقوز غروش مصارف تميزيه نك ايلروده حقسز چيقه جق طرفه عائد اولمسه ٩ تموز سنه ٣٢٦ تاريخنده متفقاً قرار ويرلدي.

محكمة تميز حقوق دائره سندن صادر اولان ٢٨ حزيران سنه ٣٢٦ تاريخي و ٢٢٧ نومرولى اعلام صورتيدر:

« اجاره فاسده ده مستاجر بالفعل مأجوردن انتفاع ايتمش اولدينى تحقق ايتدكن

صوكره تبين ايدجك اجر مثلك تحصيلي لزومه حكم ايدلك اقتضا ايدجكته دائر »

بغدادك جديد حسن باشا محله سنده مقيم مركز پوليس مأمورى قاسم افندى ايله نيكديره ناحيه سنده ساكن ولى اغا بيشنده متكون دعوايه دائر خاتين قضاسى بدایت محكمه سندن ٧ كانون ثانى سنه ٣٢٥ تاريخيله ويريلوب مدت قانونيه سى ظرفنده مزبور قاسم افندى طرفندن تميزى استدعا قلنان اعلام طرفينك اعتراض وجواب لايحه لريله بالمطالعه تدقيقات تميزيه اجراسنه ابتدار قلندى .

اعلام مذكورك خلاصه مالى مزبور ولى آغانك حاجى قره چارشوسنده واقع معلوم الحدود وحاجى صالح ايله مشترك برباب علوه ودكا كينك متصرف اولدينى نصف حصه شايه سنى اون آلى ايلنى اوتوز سكر عدد عثمانلى ليراسى بدل ايله وحاجى احمد افندى زاده مجيدبك كفالتيله مرقوم قاسم افندى يه ايجار ايتمش اولدينى مرقوم مذكور اوتوز سكر ليرا تاديه ايمه مكده بولنديغندن بحثله مبلغ مزبورك كفيل مومى اليه مراجعت حقى باقى قالمق اوزره اول امرده مديون مرقوم قاسم افنديدن تحصيلانى طلب ودعوى وبر قطعه سند ايراز واعطا ومدعى عليه مرقوم دنى فى الحقيقه نصف علوه ودكانلى اوتوز سكر ليرا بدله وبر بيقى سنه مدته استيجار ايتمش ايسده مذكور علوه ودكانلى تصرف ايمه دن اول شريكى بولنان حاجى صالح اغايه راجع مذكور خاندن انبار اتخاذا ايلديكى اوطه دن جون باتيه نام كسه نك دكانى اوله رق تقود واشياسنى سرت ايتسندن دولاني مذكور علوه حكومت محليه معرفتيله سد واوچ ماه صكره كشاد اوله رق جهت عسكر يه دن مبايعه ايديلان استر ايجون ضبط ايدلمش ومذكور استر ايكى ماه مذكور خاندن قالدقدين صكره ينه جهت عسكر يه دن خسته خانه ايدلك اوزره مدعى مرقومدن التزام ايدلمش وكنديسى اول صره ده افراد احتياط يه دن اولوب سلاح التمه التمه جهتيله مذكور علوه تصرف ايتديكى ومع هذا ايجار سندنك اعاده سنى مدعى به تكليف ومدعى به بالقبول ايجار مذكورك فسخى قبول وموافق ايتمش اولدينى حالده سند مذكورى اعاده ايتديكى افاده وادعا ايتلمى واكل محاكمه ضمنده تعيين قلنان كونده ده مدعى عليه مرقومك ورود ايتامسى اوزرينه وكيل مسخر حضوريله جريان ايدن محاكمه وتدقيقات نتيجه سنده مدعى عليه مرقوم مذكور علوه ودكانلى اوتوز سكر ليرا بدلى مقابلنده استيجار ايلديكى اقرار واعتراف ايتمش ودرميان ايلديكى مدافعه سى ايسه قاتونه غير موافق كورلمش اولسنه بناءً مجله نك درتيوز تيمش طقوز ودرتيوز التجي ماده لرى احكامه توفيقاً ايجارك صحتته وبدل ايجار اولان اوتوز سكر ليرانك مدعى عليه مرقوم قاسمندن تحصيلينه حكمدن ومستدعينك اشبو حكم عليهنده لايحه سنده محرر اعتراضاتك باشلوجه سى حقوقه متعلق محاكمات غيايه ده مدعى عمومى معاونى ويا وكيلك بولنديرمىلى تشكيل محاكم قانونى اقتضاسندن ايكن محكمه جه بوراسنك نظر دفته التامسى يولسزومغاير قانون اولديغندن بحثله اعلام مذكورك نقضى استدعاسندن ولايحه جوابيه مؤداسى ده

اعتراضات مسروده نك واهى وبنى اساس اولدينى بيانيله ردى وموافق اصول وقانون اولان اعلام مذكورك تصديق طابندن عبارتدر .

ايجابى لى المذاكره خصوص مدعا هر نه قدر برمنوال محرر حكم واعلامه ربط ايدلمش ايسده مجله نك درتيوز يكرمى طقوز ودرتيوز التمش بر ودرتيوز تيمش برنجى ماده لرى موجبجه اجاره مشاع فاسداولديغنه واجاره فاسده ده مستاجر بالفعل مأجوردن انتفاع ايتمش اولدينى تحقق ايتدكن صكره تبين ايدجك اجر مثلك تحصيلي لزومه حكم ايدلك اقتضا ايدجكته كوره مجيز مرقومك اجر مسا نسبتده بدل ايله محكوم ايدلسى يولسز واصل وقانونه مغاير اولديغنه مبنى اصول اصول محاكمه حقوقيه قانونتلك ايكوز قرق بر وايكى يوز قرق دردنچى ماده لرى موجبجه اعلام مذكورك تفضيله كيفيتك بروجه مشروح بالرؤيه اعلامه ربطى ضمننده محكمه مذكوره اعاده سنده مفر داتى مرقم درتيوز قرق بيقى غروش مصارف تميزيه نك ايلروده حقسز چيقه جوق طرفه عايد اولسنه ٢٨ حزيران سنه ٣٢٦ تاريخنده متفقاً قرار ويرلدى .

محكمة تميز جزا دائره سندن صادر اولان ٢١ حزيران سنه ٣٢٦ تاريخي و ٢٤٣٠ نومرولى اعلام صورتيدر:

« حين محاكمه درميان ايديلن افاداتى تأييد ايدجك اولان دلائلك بولوب بولنادينى جهنلرينك تحقيقات ذهول ايدلسى ومدعى شخصى صفتى اكتساب ايدوب ايتديكى تدقيق اولقمسزين بلا تحليف استماع شهادت اولتمسى مستلزم نقصدر »

ازمير جنايت محكمه سندن تنظيم واعطا قلنان ١١ جاذى الاول سنه ٣٢٨ و ٥٥ حزيران سنه ٣٢٦ تاريخي و اوتوز اتى نومرولى اعلام ايله اوراق متفرعه سى باش مدعى عمومىك مأموريت عليه سندن نقض طلبنى متضمن ٢١ جاذى الاخر سنه ٣٢٨ و ١٦ حزيران سنه ٣٢٦ تاريخي وايكى بيك سكسان يدى نومرولى تبليغنامه ايله محكمه تميز جزا دائره سنده اعطا اولمشدر .

اعلام مذكورك خلاصه مالى اوچيوز يكرمى بش سنه سى تموزينك يكرمى اوچنجى كوني ايليجه برغمه ناحيه نك چيت قريه سندن قره حسن اوغلى ولينك زوجه سى فاطمه نك كيفيت قتلندن دولاني جنايته اتهام اولنان قريه مرقومه دن اينجه على اوغلى محمد وحاجى حسين اوغلى مصطفىانك اجرا قلنان محاكمه علنيه لرى نتيجه سنده بونلردن محمدك مقتوله نك قري عارفه نى قالد يرمىق امائيله خانه لرينه بالدخول مزبوره نى بوله مامسندن دولاني قزنى سن صاقلادك دهر ك انفعالدين متولد حداث سائقه سيله فعل قتلى ايقاع ايلديكى اولبايده مع القسم استماع اولنان شهودك شهادتى وطيب راپورى وكشف ورقه سى مندرجاتيله ثابت اولديغندن مجرميته وحر كته توافق ايدن قانون جزانك يوز تيمش دردنچى ماده سندن فقره اخيره سنده توفيقاً اعدامه وديكرينك برائته حكم اولنديغندن عبارتدر

كافة اوراق بعدالمطالعه حكم جنايتدن دولاني تدقيقات تميزيه اجرا اولندقد تبايغنامه ده متهم كندوسنى

طوبى اوزرينه فريادينه كلان مقتوله والدسى ايله مصطفى كندوسنى تخايص ايتلرينه متهم روولورنى بالتشهر من بوره فاطمه ينى قتل ايلديكى مقتوله نك كريمه سى اسما طرفدن خبر و يرلمش و مجرميت قرارنده مقتوله نك كريمه سى عارفه ينى قالديرمق امليله خانه لرينه بالدخول من بوره ينى بوله مامسندن طولاي متوفيه خطاباً قزىكى سن صافلادك ديهرك انفعالتدن متولد حداث سائقه سيله روولورنى انداختله قتل ايلك صورتيه جرم توصيف ايدلمش اولمسنه و بر فعل قتلدن دولاي قانون جزانك يوز يمش دردنجى ماده سنك فقره اخيره سنه توفيقاً تعيين مجازات اولنه بيلمسى تلف نفس قضيه سنك اخر برجنائى اجرا ايدر كى يا قبل الاجرا و يا بعد الاجرا و يا خود برجنه ينى برى اجرا وقوع بولديغنىك ثبوتنه و بناء عليه قتل ايله جنجه فعلى آرمسند ارتباط تامك وجودينه متوقف بولمسنه كوره برمنوال محرم تجريم و تجزيه ده اصابت اولمادى كى على اصول مدعى شخصى صفتى اكتساب ايدوب ايتديكى تدقيق اولمقسز من مقتوله نك كريمه لرى اسما ايله عارفه نك و محكمه قراريله جلب ايلديكى نظر دتته انقسز من اسماعيلك بلا تحليف استشهاد اولملى و محكمه نك استناد ايلديكى اخبارات ماهيتك خلاصه مجرميت قرارنده ذكر ايدايهرك عمومى تعبير ايله اكتفا ايدليكنه دائر سرد اولنان اعتراضاتدن برنجى قسمه تعلق ايدن اعتراضات مندرجات اعلامه نظراً غير وارد اولوب انحق معين قاتل اعتباريله جنسايتله متهم اولوب عندالحاكمه برائته قرار و يرلان مصطفى نك افاده سنه نظراً مقتوله فاطمه نك خانه سنده بر شامته ايشيدوب كيتد كده متهم محمدك مقتوله من بوره نك قزى عارفه ينى جبراً قالديرمق اوزره طوتديغنى كورمسيه من بوره ينى متهم الندى الدقندن صكره متهم مرقومك روولور قورشونيله من بوره فاطمه ينى جرح و قتل ايتديكى اكلاشلمش اولمسنه كوره مرقومك بوافاده سنى تأييد ايدن دلائل ايله فعل قتل و قوعى هنگامده من بوره نك خانه ده بولنوب بولمادى جتهلرينك تحقيقندن ذهول ايدلمش اولمسنه و شاهدلر حقنده تبليغنامه نك ايكنجى قسمنده تشكيل ايدن اعتراضات دخى موجب نقض كورلمش اولمسنه مبنى اصول محاكمات جزائيه قانوننك اوچيوز اون دردنجى ماده سنه توفيقاً اعلام مذكورك نقضه و احكام قانونيه دائره سننده ايفاي معامله اولمق اوزره اوراقنك محانه اعاده سنه و ايكي يوز غروش اعلام خرجنك و ايلروده حقسنر چيقه جق طرفدن تحصيلانه ٢١ حزينان سنه ٣٢٦ تاريخنده قرار و يرلدى .

محكمة تميز جزا دائره سنندن صادر اولان ١٤ تموز سنه ٣٢٦ تاريخلى ٢٦٣٢٢ نومرولى اعلام صورتيدر :

« و كلك مدافعتنك كافة قسامى حقنده محكمه جه بيان رأى اولنمى وهانكى نوع اكثر بته مجرميته قرار و يرليكنك وضبطك اصلنده ضبط كاتبتك امضاسنك موجود اولديغنىك كوسترامسى مستلزم نقضدر »

سلانك ولايتى استيناف محكمه سى جزا دائره سنندن تنظيم و اعطا قلنان ١٨ ربيع الاخر سنه ٣٢٨ و ١٦ مارت سنه ٣٢٦ تاريخ و اوچ نومرولى اعلامك برائته تعلق ايدن جتهل حقنده محكمه مذكوره

مدعى عمومى ليكنندن معطى استدعائمه ولايحه ايله اوراق سائره دعوى باش مدعى عمومى ليك مأموريت عليه سنندن قض طلبى شامل ١١ رجب سنه ٣٢٨ و ٥ تموز سنه ٣٢٦ تاريخ و ايكي بيك اوچيوز التمش التى نومرولى تبليغنامه ايله محكمه تميز جزا دائره سنه كوندولمش واستدعا نامه مذكورك مدت قانونيه سى ظرفنده و يرلديكى اكلاشلمش اولمغله بالقبول تدقيقات تميزه اجرا سنه ابتدار اولندى .

اعلام مذكورك خلاصه مالى اوچيوز يكرمى بش سنه سى تشرى اولنك اون ايكنجى بازار ايرتسى كيجه سى لنگظه نك بنى داودلى قريه سنندن قوشجى حسنى تعمداً قتل وملا محمد بن تيمور على ينى قتل قصديه جرح ايلديكى ادعا قلمسندن دولاي جنائته اتهام اولنان قورقلاق قريه سنندن قره ابراهيم بن اسكندر ك اجرا قلنان محاكمه عليه سى نتيجه سننده مرقوم قره ابراهيمك ديكر ايكي نفر رفيقنك موجود اولديغنى و بونلر كده استعمال سلاح ايلديكى افادات عموميه دن تظاهر ايتمسنه كوره فعل قتل فاعل مستقل اولديغنه قناعت وجدانيه حاصل اولمامش اولديغندن اشبو قتل فعلندن برائته و فقط ملا محمدى قتل قصديه جرح ايلديكى مع القسم رؤيته مستند واقع اولان شهادات و معاينه راپورلرى و سائر يكديكرينى مؤيد دلائل و امارات ايله ثابت اولديغندن مجرميته و حر كنه توافق ايدن قانون جزانك يوز سكسانجى ماده سنه توفيقاً محل حادثه ده بر شخصك مقتول بولمسنك اسباب مشدده دن عديله يدى سنه مدته كوركه قولمسنه حكم اولنديغندن عبارتدر .

مذكور لايحه ده دخى مجرميت قرارنده مدعى عمومى نك ادعاسى و مدافعه شاهدلرينك بياناييله متهمك سردويان ايتديكى مدافعه سى اسباب موجه سيله رد و شاهدلرك تعريفات قانونيه دائره سننده تحليف ايدلديكلى نك كوسترمى لزومنه رعايت اولنديغنه وملا محمدك قتل جرمندن برائته قرار و يرلديكى حالده قتل مذكور جرح فعله سبب تشديد عد اولنديغنه و اساس ماده يه كلنجه بعد الوقوم متهمك خانه سننده يكي اتلديغنى عندالمعاينه اكلاشيلان تفشكك ظهور ايتسى و لى التطبيق محل وقوعه ده بولنان قورشون قوائله مقتول و مجروحده كى جروحى ايقاع ايدن آلت ناريه ايله موافق كلديكنك باراپور متعين و متحقق بولنديغنه و سائره يه دائر اعتراضات سرديله اعلام مذكورك برائته تعلق ايدن جتهل نقض استدعا اولمشدر .

كافة اوراق دعوى بعد المطالعه حكم جنائى ايله حكم تميزه حقنده تدقيقات تميزه اجرا اولندوقده تبليغنامه دم دخى بيان اولنديغنى وجهله و كلك مدافعتنك كافة اقسامى موقع بحث و تذكره وضعله هر برى حقنده اسباب موجه سرديله بيان رأى اولمسنندن ذهول و قوعى وهانكى نوع اكثر بته مجرميته قرار و يرليكنك وضبطك اصلنده ضبط كاتبتك امضاسنك موجود اولديغنىك كوسترامسى نقض حكمى مستلزم اسباب قانونيه دن اولنديغندن اصول محاكمات جزائيه قانوننك اوچيوز اون دردنجى ماده سى موجب ججه اعلام مذكورك نقضه و احكام قانونيه دائره سننده ايفاي معامله اولمق اوزره اوراقنك محانه اعاده سنه و حكم تميزه كلنجه لايحه مذكوره ده بوجهته دائر درميان اولنان اعتراضات محكمه نك تقديرات وجدانيه سنه قارشو وارد و بجا كوريله .

ديكنندن مارالذ كر تميز استدعاسنك ردينه و ايكي يوز غروش نقض خرجنك ايلروده حقسنر چيقه جق طرفدن تحصيلانه ١٤ تموز سنه ٣٢٦ تاريخنده قرار و يرلدى .

محكمة تميز جزا دائره سندن صادر اولان ١٤ تموز سنه ٣٢٦ تاريخي و ٢٦٢٨ نومرولي اعلام صورتيدر :

« مستطقي طرفندن ويريلان منع محاكمه قرارينك رئيسي محكمه طرفندن تصديق ايدلسه بيله اعتراض وقوع بولديغي تقديرده هيئت اتهاميه به سوق لزومنه دائر »

عدليه نظارت جليله سندن امر تحريريسنه عطفاً باش مدعي عموميلك مأموريت عليه سندن تنظيم اولنان ٩ رجب سنه ٣٢٨ و ٣ تموز سنه ٣٢٦ تاريخي وايكي بيك اوچيوز قرق سكرز نومرولي تبليغنامه ايله اوراق متعلقه سي محكمه تميز جزا دائره سنه اعطا قلنمشدر .

مذكور تبليغنامه مفادي طوران زوجهي اليه بش ايلي كريمه سي سمني ضرب ايلديكي و اثر ضربدن وفاته سببيت ويرديكي ادعاسيله مظلوناً موقوف بولنان مختار قلندر ك ضرب فعلندن جنحه ايله لزوم محاكمه سنه و ضرباً وفاته سببيت جرمندن دخي منع محاكمه سنه دائر كوكسو قضاسي بدايت محكمه سي مستطقاغندن صادر اولوب مخالفت قانونيه سندن ناشي تقضي طلب اولنق اوزره حلب ولايتي استيناف محكمه سي مدعي عموميلك سندن ارسال اولنان قرارنامه ايله اولبايده كي اوراق تحقيقي مندرجاتنه نظراً مظلون عليه مرقوم حقتده بروجه محرر اتخاذ اولنان قرارك منع محاكمه جهتي طرف رياستدن تصديق ايدلنكسرين منع محاكمه جهته محلي مدعي عمومي معاونلكي وكالتندن اعتراض اولنهرق اوراق دعوي هيئت اتهاميه به براي توديع مرعش سنجاني مدعي عمومي معاونلكنه ارسال اولنديغي حالده قرارنامه ك منع محاكمه به دائر اولان جهتك رئيس محكمه طرفندن تصديق ايدلماش اولديغي كوريله رك شو نقصان اكال ايدلك اوزره معاون مومي اليه جانبندن اوراق مذكوره تكرار محله اعاده ايدلمش وبونك اوزرينه ذكر اولنان قرارنامه ك منع محاكمه جهتي رئيس محكمه طرفندن تصديق قلنمش ايكن اوراق مرقومه ك هيئت اتهاميه به سوقندن صرف نظر اولنهرق ضرب جرمندن طولاني براي محاكمه قضاي مذكور بدايت محكمه سنه توديع قلنمش و اثناي محاكمه ده معاون وكيلى منع محاكمه جهتي حقتده كي اعتراض سابقى تكرار ايله اوراقك هيئت اتهاميه به توديعي طلب ايلسندن ناشي محكمه به اوراق دعوي معاونلك وكالتنه واورادنده لوا مدعي عمومي معاونلكنه كوندرلمش ايسه ده مذكور معاونلكجه قضاي مزبور مدعي عمومي معاوني وكيلىك اولجه ويرديكي اعتراضنامه منع محاكمه قرارينك طرف رياستدن تصديقندن اول و بناء عليه كان لم يكن حكمنده اولديغي وبعد التصديق دخي باشقه به براعتراضنامه اعطا ايدلديكي جهته كيفيتك اعتراض طريق قانونيسيله هيئت اتهاميه به سوقنه امكان اولماديغي كي محكمه به دخي معاون وكالتك اعتراض موافق اولديغندن بحثله اوراقك توديعنه دائر اتخاذ اولنان قرار ايله ده كيفيتك تكرار محكمه به ارسالنده امكان قانوني بولنماش اولغله وفاته سببيت جرمي ايجون اخبارات وضبط ورقه سي مندرجاتي ودلائل سائر كبي موجود اولان اسباب كافيه قانونيه خلافنده اولهرق ويريلان منع محاكمه قرارنامه سندن مغاير اصول اولهرق جريان ايدن بر معامله ايله اكتساب قطعت ايلديكي منفهم اولسنه و مظلون

عليه مختار قلندر ك مزبوره سمنك ضرباً وفاته سببيت ويرديكي اوراق تحقيقي ده محرر الاسامي شهودك اخباراتي ومحل جرمده تنظيم اولنان ضبط ورقه سي مندرجاتي ودعوي ايتامك اوزره مزبوره ك والده سي اليه به درت عثمانلي ليراسي وبر اينك ويرلديكنك دخي جمله اخباردن بولنسي كي يكديكريني مؤيد دلائل قانونيه ايله اكلاشلمش اولديغندن ايضاحات مسروده به نظراً خارج از صلاحيت تقدير دلائل صورتيه اعطا اولنان مذكور قرارنامه ك منع محاكمه جهتي حقتده اصول محاكمات جزائيه قانونك اوچيوز قرق يدنجي ماده سنه توفيقاً معامله ايفاسي عدليه نظارت جليله سندن وارد اولان ٢٢ ميس سنه ٣٢٦ تاريخي و اونوز يدي نومرولي امر تحريريده اشعار بيورلمش اولغله قرارنامه مذكورك اولوجهله نقضي طلبني متضمندر .

بالجمله اوراقك قرائت ومطالع سندن صكره تدقيقات تميزيه ايفاسنه ابتدار اولندوقده هر نه قدر تبليغنامه ده نقض طلب اولنقده ايسه ده قضاي مذكور مستطقي طرفندن اجرا قلنان تحقيقات استنطاقيه نتيجه سنده ضرباً وفاته سببيت جرمندن دولاي مظلون عليه مختار قلندر ك منع محاكمه سنه دائر ويريلان قرارنامه عليه محكمه مذكوره مدعي عمومي معاوني وكالتندن وقوع بولان اعتراضك مرجع تدقيق هيئت اتهاميه اولديغي وايشك اورايه سوقى لازم سندن بولنديغي حالده مركز لوا بدايت محكمه سي مدعي عمومي معاونلكي طرفندن اعتراض واقعك منع محاكمه قرارنامه سندن على الاصول قضاي مزبور بدايت محكمه سي رئيسك تصديقندن اول قرارنامه ك تكمل ايتديكي بر زمانده وقوعى سر رشته سيله معاون مومي اليك هيئت اتهاميه صفت و صلاحيتي اكتساب ايله اعتراض طريق قانونيسنه مراجعت اولنان بر ايشي مرجعي اولان هيئت اتهاميه به سوق ايتيوب مفتوح اولان شو طريقه توسل ايله مقتضياتي اجرا ايتامسي يولسز كونمش اولديغندن امور جزائيه مديريتك افاده سنه مستند و امر تحريري قانوني ي مبلغ اولان تبليغنامه ك ردينه ١٤ تموز ٣٢٦ تاريخنده قرار ويرلدى .

انجمن عدليه فرائي

انجمن عدليه دن صادر اولان ٧ حزين سنه ٣٢٦ تاريخي و ٣٢ نومرولي قرار صورتيدر

« فروختي طب اوانان برخانه ك مديونك حاليله متناسب سكتي حائنده بولنوب

بولنمديغتك تعيين وتقديرى دوائر اجرائيه عائد اولديغنه دائر »

در سعادت بدايت محكمه سي رياست اولاسندن مقام نظارت جليله لرينه بالتقديم انجمن عدليه به حواله

بيوريلان ٢٥ ميس سنه ٣٢٦ تاريخي تذكرة مطالعه اولندى .

مألى: مانول افنديك امينه خانم ذمتده محكوم به الاجنك تأمين استيفاسي ضمتنده محجوز اولوب فروختي

طلب اولنان خانہ نك مديونك حاليله متناسب اولوب اولماديغك تقدیری محكمه يه عائد ايدوكي بولنده دائر طرفندن ويريلان استدعا ظهيرينه محررد كناردن دولايي كيفيت انجمن عدليه لى احواله معاملات اجرائيه متفرع معاملاتك تقدير و تعييني اجراء ائرسنه عائد اولديغنه قرار و يرلمش و قرار واقعك مستندالهي اولان اسباب شايان اعتراض كوريله مامكله برابر دايه اراء اولنه حق تسهيلات مديونك حائر اولديغى حقوق و صلاحيت ايله محدود اولديغى كى فروختى طلب اولنان خانہ نك مديونك حاليله درجه تناسبي تعيين و تقديره معطوف بولنان احوال مماثلده تحقيقات و كشفيات لازمه اجراسى و عند الاقتضا شهر استماعى كى معاملاتنه احتياج حاصل اوله رقى دوائر اجرائيه نك موقع و صلاحيت قانونيه سنه نظراً شو معاملات عدليه نك اجراسى تعيينده بحق تردد ايدلمكده ايدوكندن دوائر اجرائيه جه مختلف فيہ برشكلده تطبيق ايديله كن مسئله مذكوره نك صورت مطلقه ده دوائر اجرائيه يه عائدتي تقديرنده بوبابده كى مستندات قانونيه نك و صور اجرائيه سنك اشعارى اسباب نك استكمالنه دائر اولديغى كورلدى .

اقتضاي كيفيت مذاكره ايدلمكده داي طرفندن فروختى طاب اولنان بر خانہ نك مديونك حاليله متناسب سكنى حالنده بولنوب بولماديغك تعيين و تقدیری معاملات اجرائيه جمله سندن بولنديغى جهته بوبابده كى معاملاتك دخى دوائر اجرائيه جه اجراسى حقه ده مقدما اتخاذا ولوب نظارت جليله لر ينك تصويبنه اقتران ايدن قرار احكام قانونيه يه تماميله موافق و اجرا قانونك اوتوز ايكنجى واللى اوچنجى واللى بشنجى ماده لر نده محرر مواده اولديغى كى بو مقوله احواله دخى صور اجرائيه يي تعيين و تقدير دوائر اجرائيه يه عائد اولوب انجمن عدليه نك بوبابده بيان مطالعه ايتسنه محل اولديغنه متفقاً قرار و يرلدى .

انجمن عدليه دن صادر اولان ٢٨ حزينان سنه ٣٢٦ تاريخلى و ٣٨ نومرولى قرار صورتيدر :

« ديون عموميه اداره سى و كيللرينه منسوب اولدقلى دائره نك اك بيوك مامورى

طرفندن ويريله جك و كالتمه لرك محاكمه قبولي اصولك تعميمي لزومه دائر »

امور حقوقيه مديريت بهيه سندن ١٨ مائس سنه ٣٢٦ تاريخيله مقام نظارت جليله لر ينه تقديم اولنان مذكره و اوراق متفرعه سى انجمن عدليه يه حواله بيورلمغه مطالعه و تدقيق اولندى .

مالى ديون عموميه قوميسر لى كندن مقدما واقع اولان اشعارات اوزرينه ديون عموميه اداره سى و كيللرينه منسوب اولدقلى دائره نك اك بيوك مامورى طرفندن ويريله جك و كالتمه لرك باشقه هيچ بر معامله تصديقيه تابع اوليه رقى محاكمه قبول ايدلسى مقدما طر بزون و ارضروم ولايتلى استيناف مدعى عمومى لى كلىرينه تبليغ و كيفيتندن مذكور قوميسر لى كده معلومات اعطا ايدلمش ايدى ايسه ده بعض محاكمه بوكا مخالف معامله جريان ايتديرلك ايسيتلديكندن خصوص مذكورك بالعموم محاكمه تبليغى مذكور قوميسر لى كدن طلب ايدلمش و طلب واقعك واردات خزينه يه تعلق نقطه سندن بر كرده انجمن عدليه جه تامل ايدلسى مطالعه سنده بولنلمش اولديغى بيانندن عبارت بولنديغى كورلدى .

ايجابى لى المذاكره ولايتين مشارالهمايه واقع اولان تبليغات نظارت جليله لر ينك تصويبنه مقارن و معاملات جاريه يه موافق اولديغندن خصوص معروضك تعميمينه متدائر اولان طلبك ترويجى مقتضى بولنديغنه بالاتفاق قرار و يرلدى .

انجمن عدليه دن صادر اولان ٢٨ حزينان سنه ٣٢٦ تاريخلى و ١٣١ نومرولى قرار صورتيدر :

« مدعى مدعا بهك قيمتى تعيين ايتديكى حالده مومى ايله بالجب تعيين ايتديكى قيمت اوزرندن

ربع خرج استيفا ايدلسى و عند الحاكمه قيمتك فضله اولديغى تظاهر ايدرسه ايحاب

ايدن ربع خرج توبه اولنه دجه دعواك رؤيته دوام اولنلمسى لزومه دائر »

درسمات استيناف مدعى عمومى لى كى مأمورى بهيه سندن مقام نظارت جليله لر ينه تقديم اولنوب انجمن عدليه يه حواله بيوريلان ١٧ حزينان سنه ٣٢٦ تاريخلى مذكره و مافوفى مطالعه و تدقيق اولندى .

خلاصه محتوياتي : عقار دعوالرندن مستدعينك محكمه يه اعطا ايدليكى استدعا نامه ده تعيين قيمت ايتيوب ربع خرج و قيديه آراندقده قيمتك ايكي يوز اللى غروشدن دون اولديغى بيان ايلكمده و بوضورته خرجدن مستثنا طو تلمقه و حالبوكه خرج تعرفه سنك سكرنجى ماده سى حكمنك مطلق اولسندن ناشى بونك صرف مبلغ غير معينى حاوى استدعا نامه لره منحصر اوله جنى اكلا شلمقده ايسه ده بوضورته معامله اجراسى سوء استعمالى بادی اوله جنى كرده بدايت رياستك بولى بدايت محكمه سى مدعى عمومى لى كنه خطاباً محرر ٥ حزينان سنه ٣٢٦ تاريخلى تحرير اتنده بيان و قيمتى دعوى عرفه نكده كوسترلن اموال منقوله و غير منقوله دعوا لر ينك ربع خرجنى خرج تعرفه سنك سكرنجى ماده سنه توفيقاً تعييننده تردد ايديله من ايسه ده ماده مذكوره موجبجه مستدعى جلب اولنه رقى قيمتى تعيين ايتديرلمسى و بشيو غروشدن دون قيمتى حائر اولديغى سويلرسه ربع خرجك تأجيل ايدلسى و عند الحاكمه قيمتك فضله اولديغى تظاهر ايدرسه ايحاب ايدن ربع خرج تسويه اولنمادجه دعوى رؤيت اولنلمسى و قوعى ماحوظ سوء استعمالك رفعنه مدار اوله جنى مذكور مدعى عمومى لى كى جانبندن ذيلاً افاده قلنمش اولديغندن كيفيتك انجمن عدليه جه حليله نتيجه قرارك امر و انبا بيورلمسى ميين اولديغى كورلدى .

ايجابى لى التامل مذكور مدعى عمومى لى كى ذيلاً واقع اولان مطالعه سى نفس الامر و معاملات جاريه يه موافق اولديغندن اولوجهله معامله ايفاسنك لازم كنلره اشعارى ايحاب ايدى كنه بالاتفاق قرار و يرلدى .

انجمن عدليه دن صادر اولان ٢٨ حزينان سنه ٣٢٦ تاريخلى و ٨٥٦ نومرولى قرار صورتيدر :

« تمام اولان و حق غير تعلق ايدن معامله ايفاسنك فسخ و ابطال قانوناً غير جائز

اولديغنه دائر »

ژاندارمه دائره سى محاسبه قلمى خلفاسندن متقاعد محمد طاهر مهربيله بالتقديم انجمن عدليه يه حواله

بيوريان وظهرت در سعادت بدایت محكمه سی اجرا مأموریتك مطالعه نامه سی حاوی اولان عرفحال مطالعه اولندی .

عرفحال مذکورك خلاصه مفهومی عربکیر قضاسی اهاالیدن شوکت ومصطفی بکلرک اوتوز کسور لیرانک مع فائض ومصارف سائر کندوسندن تحصیلتی متضمن استحصال ایلدکلری اعلام غیاینک تمیزاً تدقیقی طلب ایلدیکی ائشاده کفیل اولان واعلام مذکورك تصدیق ایدلمسی اوزرینه مکفول بهی ادا ایلین سمیدجی حاجی علی افندیکنک اخیراً برنجی حقوق محكمه سندن استحصال ایلدیکی اعلامی موقع اجرایه وضع ومعاشندن بشیک الی یوز آتمش غروش اخذ اتمش ایکن هرصلسه تحت حمزه الیدرینی عربکیرده اولوپیکار محله سنده واقع تارلا وبانچه سندن نصفی دخی دکریدن دون فیثاته اولوقت صندوق امینی بولنان رضا افندیکنک قابلمش اولمندن ناشی خلاف قانون واقع اولان اشبومعامله فراغیهنک فسخ وابطالیه قیدینک نامه تصحیحی دائره اجرادن مکرراً محانه یازلمش ایهده برنتیجه حاصل اولماش اولدیغندن معامله فراغیهنک فکی حقنده امر قطنی اعطاسی استدعاسی شامل واجرا دائره سی مطالعه نامه سی ده مستدعینک علی افندی به اولان دینک تأمین تسویه سی ضمننده فروختی تقرر ایدوب مزایده معاملاتک یولسزلغندن شکایت اولنان اراضی عربکیر قضاسی داخلنده بولمسنه بناء معاملات اجرائیه بطریق الاستنباه قضای مذکور بدایت محكمه سنجیه جریان ایش اولدیغندن شکایت واقعهنک ماهیت وصحتی اکلایله مامش ومع مافیه بوبابده کی مراجعت وشکایت اوزرینه جریان ایدن محساردهن اراضی مذکوردهنک ایکی بیک بشیوز غروشد قضا صندوق امینی ضیا افندی عهده سندن تقرر ایدرک ۲۷ نیسان سنه ۳۱۰ تاریخنده فراغنک اجرا ایلدیکی بیلدیرلکله مدیونه صوک اخبارنامه تبلیغ اولنه رق ایفای دینه صورت قطعیه ده دعوت اولنقمسزین اجرا ایلدیکی اکلاییلان معامله فراغیهنک تصحیحی اشعار ایدنش واشعار واقعه سکزسنه صوکره النان جوابده محل مذکورك مشتری ضیا افدیدن امین افندی زاده طلعت بک افندی به واندن خچیکیان خچاطور نامه فراغ ایدیلرک مرقوم طرفندن ده زراعت بانقه سنده وفاء فراغ ایلدیکی بیان اولنمش و اوچیوز اون تاریخنده تمام اولان وبالا خره زراعت بانقه سندن دخی حق تعلق ایدن معامله اجرائیهنک فسخه مساغ قانون اولیوب مستدعی طاهر افندیکنک اشتکاء عن الحکام طریق قانونیسنه مراجعتده مختار اولدینی بیانی مشتمل اولدینی کورلدی .

ایجابی تذکر ایلدکده تفصیلات مسبوطنه نظرأ مستدعی طاهر افندیکنک طلبی اوچیوز اون تاریخنده تمام اولان معامله اجرائیهنک یولسزلغندن بحثله فسخ وابطال ایتدیرلمسنه متدائر اولوب حال بوکه دائره اجرائیهنک مطالعه نامه سندن بیان اولدینی وجهله اون سنه اول تمام اولان وعلی الخصوص حق غیرتعلق ایدن معامله اجرائیهنک فسخ وابطالی قانوناً غیر جائز اولدیغنه متفقاً قرار ویرلدی .

انجمن عدلیه دن صادر اولان ۷ حزیران سنه ۳۲۶ تاریخی و ۱۱ نومرولی قرار صورتیدر :

« ناحیه مجلسلریله قضا بدایت محاکمده رؤیت اولنان قباحت دعوالرینک استینافاً ونمیزاً تدقیق طلب اولدقدده خرج ورسومه تابع اولدقارینه دائر »

در سعادت استیناف مدعی عمومیلکی مأموریت بهیه سندن مقام نظارت جلیله لرینه تقدیم اولنان وظهرنده امور جزائیه مدیریت عایه سندن مطالعه نامه سی محتوی بولنان ۹ مارت سنه ۳۲۶ تاریخی مذکره انجمن عدلیه حواله بیورلقله مطالعه وتدقیق اولندی .

مذکره مذکوردهنک زبده مؤداسی ناحیه مجلسلرینک وظائف صلحیه وعدلیه سی مبین اولان نظامنامه نك الی سکزنجی ماده سنده قضا محاکمک نواحی مجلسلری مقرراتی استینافاً رؤیت امرنده کی وظائف قوانین عمومیه به توفیقاً جریان ایده جکی والی طقوزنجی ماده سندن دخی نواحی مجلسلرینک وظائف عدلیه سنده متعلق خصوصاً صاده طرفیندن هیچ برنام ایله خرج ورسوم النیه جنی محرربولنش ایدوکندن مجالس مذکورده جه رؤیت ایدیلرک قباحت دعوالرینک کرک دوغروندن دوغری به قضا محكمه سنده اقامه سی وکرک استینافاً رؤیتی حالنده بولنرک خرج ورسومه تابع طوتیلوب طوتیه جنی وخرجه تابع اولدینی تقدیرده استیناف محكمه سی ایچون معین اولان رسوم وخرجک می اخذ واستیفاسی لازم کله جکی بیغاقضاسی بدایت محكمه سندن قاعه سلطانیه سنجای مدعی عمومی معاونلکندن مرسل مذکره سنده استفسار ایدلمش اولدیغندن بحثله استیذان کیفیتی متضمن وامور جزائیه مدیریت بهیه سندن مطالعه نامه سی مندرجاتی دخی نظامنامه مذکورک الی طقوزنجی ماده سی مفادینه نظرأ قضا ولوا محكمه لرنده قباحتیه متعلق اولن اوزره بدایه واستینافاً رؤیت اولنه حق دعاویدن دخی خرج ورسوم اخذی ایجاب ایتیه جکی درکار بولدیغنی مبین اولدینی کورلدی .

ایجابی لدی التذکر قباحت دعوالرینه متعلق موادده خرج ورسوم استینافاً اولنیه جنی ناحیه مجلسلرینک وظائف صلحیه وعدلیه سندن باحث نظامنامه نك الی طقوزنجی ماده سندن مبین ومذکور ایهده مجالس مذکورده مقرراتنک استینافاً ونمیزاً رؤیت وتدقیق کیفیتنک قوانین عمومیه به تابع بولدینی الی سکزنجی ماده نك جمله مندرجاتندن بولمسنه نظرأ خرج ورسومک عدم استیفاسنه متدائر اولان شو حکم نظامیسنک ناحیه مجلسلرینده رؤیت اولنان دعوالرله قضا بدایت محاکمده درجه اولاده جریان ایدن قباحت دعوالرینه مقصور بولدیغنه اتفاق آرا ایله قرار ویرلدی .

مسائل انتباه

صیدا مدعی عمومی معاونی عباده و مستطلق عبداللطیف و معاونی مصطفی افندیلرک محکمه قرارینه مستند اولیه رق فضله خرج راه الدقلری امور جزائیة دائره سنجہ تدقیق اولنان تحقیقات اورا قندن نمایان اولمسنه و حرکت واقعه لری مسئولیت قانونیه یی مستلزم بولمسنه بناءً مومی الیهک محاکمه آلتنه آلتیه عدلیه نظارت جلیله سندن امر مأذونیت اعطا اولمشدر .

تصدیق قضایی بدایت محکمه سی باش کاتب سابق عبدالقادر افندیلرک محکمه مقاولات محرر لکی و اعلامات جزائیة معاملاتندن ذمتہ آچہ کچریدیکی امور جزائیة دائره سنجہ تدقیق اولنان اوراق تحقیق سندن کلا شلمسنه و حرکت واقعه سی مسئولیت قانونیه یی مستلزم بولمسنه بناءً مومی الیهک محاکمه آلتنه آلتیه عدلیه نظارت جلیله سندن امر مأذونیت اعطا اولمشدر .

راشیا قضایی بدایت محکمه سی مدعی عمومی معاونی وکیل پولیس خالد افندیلرک هیئت محکمه یی تحقیر ایلدیکی امور جزائیة دائره سنجہ تدقیق اولنان تحقیقات اورا قندن نمایان اولمسنه و حرکت واقعه سی مسئولیت قانونیه یی مستلزم بولمسنه بناءً مومی الیهک محاکمه آلتنه آلتیه عدلیه نظارت جلیله سندن امر مأذونیت اعطا اولمشدر .

چار سنجاق قضایی بدایت محکمه سی اعضا سندن حسین افندیلرک خلاف نظام اعشار الزام ایلدیکی امور جزائیة اداره سنجہ تدقیق اولنان تحقیقات اورا قندن نمایان اولمسنه و حرکت واقعه سی مسئولیت قانونیه یی مستلزم بولمسنه بناءً مومی الیهک محاکمه آلتنه آلتیه عدلیه نظارت جلیله سندن امر مأذونیت اعطا اولمشدر .



قانونیه سنجی

اصول استماع دعوی

— اون آلتیجی نسخه دن مابعد —

اصول محاکمه حقوقیه قانوننک قرق برنجی ماده سنده مدعی و مدعی علیه دن هربری محکمه یه بالذات کلمکه و یا خود بر محکمه دن و یا بر محکمه دعاوی قلمندن — مقاولات محرر لکندن — مصدق و کالتامه اعطاسیله وکیل کوندر مکه و یا خود وکیل ایده جکی کمسنه ایله بر لکده کلوب و کالتی تسجیل ایتدیر مکه مجبور در دنیلمسی بوکا میندر .

خصم اولا ذات دعوی کندیلر بنه عائد اولان مدعی و مدعی علیه در . ثانیاً بونلرک وکیللر بدر . نقط وکیلک و کالتی اوراق رسمیه یه مستند بولنق شرطدر . بوده یدی وجهله اولور .

۱ — بر محکمه دن مصدق و کالتامه در .

مقاولات محرری بولنمان یرلرده تنظیم اولنه حق و کالتامه محکمه طرفندن تصدیق اولنور .

۲ — مقاولات محرر لکندن مصدق اولان و کالتامه در .

۳ — موکل وکیل تعیین ایده جکی کمسنه ایله بر لکده محکمه یه کلوب دعوی عرفیالی زیرینه و کالتی تحریر و موکله امضا ایتدیر یلرک حضور محکمه ده تقریر و کالت ایلر .

۴ — بر محکمه شرعیه دن ویریلان و کالت حجت شرعیه سیدر . بوجت شرعیه فتواخانه عالیدن مصدق اولدینی تقدیرده ثبوت و کالت کافی بولندینی درکار ايسه ده بوجه محرر هنوز تصدیقه اقتران ایلدیکی حالده معمول به اولورمی ؟ ؟

عدلیه نظارتی جانبندن و قتیله یعنی بش سنه مقدم طشره محاکمه واقع اولان تبلیغسانده و کالت حجت شرعیه لری فتواخانه دن مصدق اولمانجه محاکمه قبول ایدلماسی اشعار اولمش ايسه ده بواشعار قانون ونظامه مستند اولدجه محاکمه مدار تطبیق اتخاذ اولنه ماز .

بلاینه مضمونیه عمل و حکم جائز اوله بیله جک صورتده سندات شرعیه نک تنظیمنه دائر ایمانک یکرمی برنجی ماده سنده شویله محرر در .

« طشرده تنظیم اولنه جق وکالت حجتلرینک کافی السابق فتواخانه دن تدقیق و تطبیق اجرا اولنه جنی کبی بعدما طشریه کوندرملک اوزره درسعات محاکمندن ویریلان وکالت حجتلرینک مهری مطابق ایدوکی ظهربنه فتواخانه دن شرح ویریه جکدر »

بوماده نظامیه دن وکالت حجت شرعیله ری فتواخانه دن تصدیق ایدلمش اولدجه شایان احتجاج و قبول اولمادینی معناسی استخراج ایدیه من . حجت شرعیه شائبه تزویر و تصدیعدن بری اولدینی صورتده مضمونیه عمل جائز اولدینی آشکاردر .

نته کیم مجله نك ۱۷۳۶ و ۱۷۳۸ ماده لرنده شبهه تزویر و تصنیعدن سالم اولان خط و ختم معمول به ومدار حکم اوله جنی وحیه وفساددن سالم اوله جق صورتده طوتیلان سجلات محاکم ایه عمل ایدیه جکی مصرحددر . وکالت حجتلری طشره محاکم شرعیه سنده تنظیم اولدینی تقدیرده تعلیمات مذکورده نك اون طقوزنجی ماده سنه توفیق معامله ایدلمک لازم کلور .

ماده مذکورده شودر : حاکم طرفدن برمنوال محرر تنظیم قلسان حجت شرعیده بیان اولدینی اوزره وکالت تقریرینک کندو حضورلرنده وقوع بولدیغی حین تقریرده حاضر بولنان اعضا با مضبطه تصدیق ایدیه جک و بوتصدیق مضبطه سی قضا بدایت محکمه سندن اعطا قلمش ایه اول قضانک ملحق بولدینی ولایت استیناف محکمه سندن ویاخود لوا بدایت محکمه سندن تصدیق اولنه جقدر .

۵ — دوائر رسمیه وکیللرینه مخصوص اولق اوزره هر برنظارت ودائرده نك الك بیوک مأموری طرفدن امضا یا مهریه مضمی یا مختوم وکالتنامه در . بونده مقاولات محررلکی طرفدن تصدیق ایدلمسی شرط دکدر .

۶ — دوائر رسمیه نك اراده سنیه ایه منصوب حقوق مشاورلری هم مدعی همده مدعی علیه صقنده بولنه بیولرلر . بولرندن بشقه جه وکالتنامه طلب ایدیه من .

۷ — شهادت شهود ایه وکالت ثابت اولور . بواصول محاکم شرعیده مرعی ومسئله فقهییه مستند ایهده اصول محاکمه نك ۴۱ نجی ماده سنده اثبات وکالت خصوصی نصل اوله جنی تعداد ایتک صورتیه حصر ایدلمش اولدیغنه کوره محاکم نظامیهده اقامه بنیه ایه اثبات وکالت ایتک ایستیان کیمسه نك وکالت ادعاسیه اقامه ایتک ایستدیک بینه نك قبول ایدلماسی لازم کلورکه محکمه تمیزک قراری دخی بومرکزدهدر .

وکالتنامه نك قونی

وکالت ایکی نوعدر :

نوع اول ، وکالت خصوصیه در . یعنی یالکیز بر محکمه و بر دعوایه مخصوص اولور . دیگر محکمه ویه وبشقه دعوایه شمولی اوله ماز .

مثلا بر کیمسه زید ایه اولان دعواسی ایچون عمروی بدایت محکمه سنده وکیل ایتسه بو وکالت آنجق

اول محاکمه نك نهایته قدر دوام ایدیه یلور . محاکمه ختام بولوب حکم تفهیم اولندقدن صکره وکالتک حکمی قلماز . شویله که حکم مذکور غیاباً صادر اولسه اعتراض واستیناف وتمیز ایدیه جکی کبی وجاها صادر اولور ایهه اعاده محاکمه واستیناف وتمیز ایدیه من .

نته کیم بر کیمسه زیدی محاکمه استینافیه ایچون وکیل ایتسه بو محاکمه نك ختامیه وکالت منتهی و وکیل وکالتدن منعزل اولور . بناءً علیه محاکمه مذکور غیاباً نتیجه لنسه بو وکیلک اعتراضه حق اولمادینی کبی اعاده محاکمه و تمیزه دخی حق اوله ماز ووجاها نتیجه پذیر اولسه وکیل مرقومک اعاده محاکمه و تمیزه صفی قلماز .

نوع ثانی ، وکالت عمومیه در .

بوده ایکی صنفدر :

صنف اول ، یالکیز بر دعوانک عموم درجانه شامل اولور . بوجه محرر عموم درجانه شامل اولان وکالت اوچ صورتله تنظیم اولنه بیولور .

۱ — وکالتنامه ده بدایه و اعتراضا واعاده واستینافا وتمیزا محاکمه وکیل ایدوکی کوسترلمکدر .

۲ — محاکمه نك صوک درجه سنه قدر محاکمه و تمیزه وتصحیح قراره دخی وکیل بولدینی یازانقدر .

۳ — هر وجهله وکیل مفوض ومرخص ایدوکی بیان ایدلمکدر . فقط بو وکالتنامه ایه موکلنک دیگر دعوانی اقامه ایدیه جکی کبی موکلی علینه اقامه ایدیه جک دیگر دعوانی دخی مدافعه ایدیه من .

صنف ثانی ، عموم دعوانینک بالجله درجانه شامل اولور . شویله که بر کیمسه لهنده وعلینهده اقامه ایدلمش وایدیه جک بالجله دعاویده صوک درجه یه قدر محاکمه دیگر کیمسینی وکیل ایتدکده بو وکیل موکلنک لهنده وعلینهده اقامه ایدلمش وایدیه جک اولان عموم دعوالرنده وکیل ایدلمش اولور .

وکیل بالخصومه نك تعدادی : وکیل بالخصومه واحدهده ، متعددده اولاییلور . شویله که مثلاً مدعی ایکی یا اوچ کیمسینی وکیل تعیین ایتسه جائز اولور .

بو صورتده متعدد وکیللرک هر بری منفردا ایفای وکالته مأذون بولدینی وکالتنامه ده مذکور ایهه هر بری دیگرک غیابنده و آندن استحصال رأی ایتکسزین مستقلاً ایفای وکالت ایدیه یلور . اما بویله بر قید وکالتنامه ده مذکور دکاسه احد وکیلینک محکمه ده مدافعه ایدیه جکی جهاتی دیگر رفقاسیه بالاستشاره آنردن رأی آلدینی حالده منفردا ایفای وکالت ایتمی صحیح ایهده دیگر رفقاسنک آراسنه مراجعت ایتدن محاکمه ومخاصمیه حق اوله ماز .

وکیل بالخصومه نك دیگرینی توکیلی : وکیل بالخصومه دیگرینی توکیله مأذون ایهه بشقه سنی توکیل ایدیه یلور . والا ایدیه من .

بروجه محرر مأذون اولوبده بشقه سنی توکیل ایلدیکی حالدہ بوایکنجی وکیل اوچنجیسنی توکیل ایدہ من، وکیل بالخصوصه نك آخرینى توکیلہ مأذونیتی صورت آتیہ ایلہ اولور .

- ۱ — موکل وکیلنه بشقه سنی توکیلہ مأذون سین دیمسی } در .
- ۲ — رأیکله عمل ایت دیمش اولمسی

بو ایکنجی وکیل موکل اولک وکیل اولوب یوقسه ایکنجی وکیلک وکیل دکلدر .

بناءً علیه بوایکنجی وکیل موکل عزل ایدہ ییلور ایسه ده برنجی وکیل آنی عزل ایدہ من . مکرکه عزله دخی موکل طرفدن صراحة اذن ویرلش بولنه .

وکالت عامه : بالاده بیان اولنان وکالت خصوصیه وعمومیه نفس دعوايه عائد اولان یعنی دعوايه انحصار ایلان وکالتلدر .

وکالتک برده عامه قسمی واردرکه بو قسم وکالت یالکز دعاوی به انحصار ایتیموب هم کافه دعاوی به همده موکلک خصوصیات سائرهنه عام وشامل اولور .

وکالت عامه بی مشعر سوزلر « امرک جائز اولان هر امورمه سنی وکیل ایتدم » وکالت عامه مطلقه ایلہ سنی توکیل ایلدم » کی عمومی مشعر بر سوز ایلہ توکیل ایتمکدر .

وکالت عامه نك حکمی : وکالت عامه ایلہ وکیل اولان کیمسه معاوضاته ومرة بعداخری تصرفاته مقتدر اولور، اما تبرعاتی موکلی علیه نافذ دکلدر .

شویله که وکالت عامه ایلہ وکیل اولان کیمسه موکلنک مالی بیع وحفظ والاجتی قبض ودینی تأدیہ ایتسی وموکل ایچون مال صانون آلمسی کی معاوضاتی وموکل علیه حضور حاکمه ویاغیریده اقرار ایلسی — واقعا وکیل بالخصوصه نك حضور حاکمک غیریده اقراری صحیح دکلسه ده وکیل عامده بویله دکلدر — وموکل طرفدن مدعی یا مدعی علیه اولمسی صحیح اولور .

فقط وکیل عامک تبرعاته وکالتی اوله ماز .

یعنی عوض ایلہ یا عوض سز اوله رق موکلنک مالی هبه یا صدقه یا وقف یا خود موکلنک الاجتنک کلیسندن یا بعضیسندن مدیونی ابرا وموکلنک مالی اقراض ایلسی موکل علیه نافذ اولور .

ثالثاً ، ولیدر . صغیره عائد دعاویده صغیرک ولیسی یعنی پدری یا جد صغیری یعنی پدرینک پدری هم مدعی وهمده مدعی علیه اولور بونک ایچون وصایت محبته احتیاج یوقدر .

رابعاً وصی میتدر . کرک وصی مختار کرک وصی منصوب اولسون .

خامساً وصی الوصیدر . ایتدی وکیل ، ولی ، وصی ، وصی الوصی مواجهه سنده دعوی رؤیت اوله رق علیه لرینه حکم ایدلمک لازم کلدکده غائب اولان موکل یا میت یا صغیر محکوم ایدیلور . غائب علیه وکیل ، میت یا صغیر علیه ولی یا وصی یا وصی الوصی مواجهه سنده حکم اولدینی کوستریلور . یوقسه وکیل یا ولی یا وصی یا وصی الوصی علیه حکم ایدلمز .

سادساً متولی وققدر .

بوصورتده واقفه متعلق اولان مسائلده حاکم واقف علیه ووقفه عائد دعاویده وقف علیه حکم ایدر . واقفه متعلق مسئله : دیارمزده متعارف اولان اجارینلو مسقفات ومستغلات موقوفه دن برینک دیواری مائل انهدام اولدقده اول وقفک متولیسنه تقدم ایدیلور . بوندن صکره دیوار منهدم اوله رق برضرر ایتسه ضررک ضمانی واقفک مالندن لازم کلور . یوقسه متولینک مالندن لازم کلیه جکی کی وقفک مالندن دخی لازم گلر زیرا وقفک ذمتی یوقدر .

وقفه عائد دعوی : متولی وقفه عائد برمالی دعوی ومدعی علیه انکار ایتدیکی حالدہ اثبات مدعا ایدیه مامش ومدعی علیه دخی بین ایتش اولنجه وقف علیه حکم ویرلمک لازم کلور .

سابعاً احد ورثه نك باقیسندن نائب اولماسیدر .

بوکا دائر تفصیلات مجله نك ۱۶۴۲ ماده سنده مذکوردر .

نامناً ارشدن غیریه ده دخی دینده مشارک اولنلردن برینک دیکرندن نائب اولمسیدر . بوامامین قولیدر . مثلاً برکیمسه دیکر کسنه دن « بنم ایلہ غائب اولان فلان شخصک بالاشتراك بوکسنه دن اون آلتون الاجعمر وار » دیه دعوی واثبات ایتدکده حاکم اوکسنه بی اون آلتون ایلہ محکوم ایدر . فقط اعلام حکمنک اجرایی یالکز حصه سی بولنان بش آلتونی آلیوردر . دیکر بش آلتون غائب کلدکده آکا اعطا اولنور . بولنلردن بشقه دها خصم اولنلر وار ایسه ده مشهورلری بولنر اولغله بوقدرله اکتفا اولنشدر .

خصوصت حقنده ایضاحات : طرفین آرهنده خصوصت موجود اولوب اولدینی دعواده تدقیقه شایان مسائلدن بریدر .

بری دیکرندن برحق دعوی ایدیور . بونی دعوی ایتک صلاحیتی عجباً مدعی صفتنده بولنان کسنه یه می عائددر یوقسه دیکر برینه می راجعدر . مبادی دعواده بونک نظر دقته آلمسی ایجاب ایدر .

مثال : زید عمرودن برقطعه سند ابرازیلہ الاجق ادعا ایتمکده اولوب مندرجات سند مدعی علیه عمروک بکره شوقدر غروش بورجی اولدینی ناطق اولدینی کی بکر جانبدن دخی مذکورسندک زیرنده یازیلان شرحده سند مذکورده محرر مبالغ کندیسنک زیدک ایدوکنی میندر . زید ، بوشرحه استناداً مبالغ مذکورى حضور محکمه ده عمرودن دعوی ایدیور .

مجله نك ۱۵۹۰ ماده سی موجبجه زید ایلہ عمرو آرهنده بو دعواده خصوصت یوقدر . بو دعوائی اقامه ایتک صلاحیتی زیده عائد اولیوب بکره راجع اولدیندن زید بکر دن استحصال وکالت ایتدکجه بودعوائی ایدہ من .

محکمه تمیز حقوق دائره سی ریشی مابعدی وار

علی ممبر

اسباب نقض

— اون آلتنجى نسخهدن مابعد —

شاهدلك اويله بر طاب قانونيه مبنى يكيدين استماع اولملرى لازم كلكده ارتق تكرر يمين ايتلىرى واجب اولماز .

شاهدلك بتكرار استماعيله ايجاب ايدن تقاطك استيضاحى طلب ايتك حق وصلاحيتى اشبو ماده قانونيهك عبارته صريحه سنه كوره مدعى عموميله متهمة عائد اولوب مدعى شخص ايسه اويله بر مطالبده بولنه ماز .
بو بابده مدعى عمومى ايله متهمة طرفلرندن طلب وقوعبولماش اولسه بيله لزوم كوردىكى تقديرده رئيس محكمهك دخى بومعامله قانونيهي اجرايه صلاحيتدار اولسى ماده مشروحهك فقره اخيره سى احكامندركه بوده قانونك حسن محافظه سنى استلزام ايدر تدابير تأمينيه جملهنسنددر .

متهملرك اقرار واعتراف جرملرينى عندالحا كه اخبار ايدن شاهدلر علمنده وقوعبولان اعتراضات اوزرينه بونلك تكرر استجوابلرى حقهدهكى طاب اوزرينه معامله قانونيه اجرا اولمامسندن ويا مطالب واقعك رد وقبولى حقهده بالندا كره قرار ويرللماسندن ناشى احكام لاحقهك منقوضيتى محكمه تميزك جمله مقررات متعدده سندر .

۲۷۸ نجى ماده ايجابجه شاهدلر متعدد اولوبده ايجلرندن برينك ويا بر قاچينك استماعى ائنده متهملردن هانكيسنى ايسترسه رئيس محكمه طيشارو چيقارده بيله جكي كبي شاهد بر كشى اولسه بيله ينه استماعى ائنده متهملردن بعضيلرينك ويا برينك طيشارويه چيتمسنى امر ايدمئلور .

كذلك شريك تهمتك ويا اهل وقوفدن برينك ويا خود معلومات آلتق اوزره استماعلى جائز اولان بعض اشخاصك استجوابى ائنده متهملردن هانكيسنى ايسترسه رئيس محكمه طيشارو چيقارمق صلاحيتى حائزدر .

فقط رئيس طيشارويه چيقاردىنى متهمك غيابهده جريان ايدن مجاوبات ومعاملاتى متهمة بيان وافهام ايتمكه مجبور اولوب شايد رئيس بوندن ذهول ايدرسه حكم واقع نقض اولنور .

شريك متهمك استماعى صروده اشبو ماده حكمنجه رئيس محكمه طرفندن طيشارويه چيقاريلان متهم شريك مرقومك افاداتى نه بولده اولدىنى سؤال ايتك صلاحيتى حائز اولوب بوكا جواب ويريلىوبده مسكوت عنه براغيلورسه نقض حكمى متبع اولور .

رئيس محكمه متهملردن ايتديكىنى طيشارويه چيقاروب شاهدلك افادهلرينى استماع ايدمئلورسهده متهم وكيللرندن هيچ براسنى اشبو ماده قانونيه حكمنه استناداً طيشارويه چيقارده ماز .

۲۷۹ نجى ماده حكمنه نظراً اخبار ماده ايدن شاهدلك اصول محكمات جزائيه قانونك ۲۶۶ نجى ماده سندن ۲۷۹ نجى ماده سنه قدر اولان احكامى وجهله عندالحا كه معامله استجوابيله لرينك اجراسى مقتضى ايكن تعريفات قانونيه دائره سنده استجوابات استشهاده ايفا قلمامش و طرفين شاهدلرينك صورت استماعى امرنده اصول محكمك قواعد كليهنه رعيت اولنمامش اولسنه ونواقض مشروحه ايسه نقض حكمى مستلزم اسباب اساسيه قانونيهدن بولمسنه مبنى بو بابدهكى حكم اعلاماتك نقضى حقهده محكمه تميزدن بك چوق قرارلر صادر اولمشدر .

۳۸۰ نجى ماده اقتضاسنجه جرم واقع مدار ثبوت اوله بيله جك اوراق واشيائى رئيس محكمه شاهدلرى بعدالتحاييف اراءه ايدمئلور . زيرا اوراق واشيائى موجوده ومضبوطه حقهده واقع اوله جق افادهلرى شاهدلرينك بر قسم مهمى ديمك اولديغندن قبل التحاييف ابراز واستماع اولنورسه نقض حكمى مستلزمدر .
اشيا واوراق ثبوتيهك متهمة وشاهدلره عدم اراءه سى نقض حكمى ايجاب ايدر نواقصدن معدوددر .
الحق اولبابدهكى ضبط ورته سنه قيد دوشورلمسه ينه نقضى مستلزم اولوب اوليه جغنى مسئله سى بعض مؤلفين غنده مختلف فيهدر .

فقط متهم اوراق واشيائى محفوظهك كندوسنه اراءه اولمسنى طاب وادعا ايتمشده محكمه اشبو طلبنى اصغا ايتيوب مجرميت قرارنده مسكوت عنه براقش اولورسه نقض حكمى مستلزم اسبابدن عد اولنور .

مع مافيه اشبو ماده قانونيه حكمنجه جرم مدعا بهك مدار اثباتى اوله جق اشيا واوراك كرك متهمه وكرك شوده اراءه اولنمامسى نقض حكمى موجب اسبابدن بولندينى محكمه تميزك جمله مقرراتسنددر .

محل وقوعه وموقع جرم وحادثهك رسمى حاوى اولق اوزره ترسيم اولنان خريظه شكلنده ورقه لجرم واقع مدار اثبات اوله جق اوراقدن معدود بولندينى جهته بونك كرك متهمه وكرك شاهدلره عدم اراءه سى نقض حكمى ايجاب ايتز دين مؤلفلرده واردر .

اشبو ماده قانونيه احكامنه نظراً مثلاً قايضك ماده لرنده در دست ايديلان الات وادوات واجزاوتركيباتك قلب اچقه اعمالنه صالح اولوب اولديغك ارباب فن واهل خبره طرفلرندن بالمعاينه تعيينى والده ايديلان قلب بارملرك بو قالبلر ايله اعمال واساغه ايديلوب ايديله ميه جكنك ينه فن مأمورلى طرفلرندن تدقيق لازم كلور ايكن بونلردن ذهول ايدلسى نقضى موجبدر .

كذلك قسماً احراق اولندينى ادعا اولنان بغدادى حبوباتك وتولا محصولاتك معامله كشفه سنك اجرا اولنمامسى ومغاير نظام اوله رق قچاقيلق صورتيه اعمال اولنان باروت مواد متركبه سنك ارباب فن معرفيله معاينه وتدقيق ايتديرللماسى نقضى مستلزمدر .

سرقت وقوعى ادعا اولنان محملرك دخى نرودن ونه صورته ونه واسطه ايله دخول اولنديغك بالمعاينه نوع جرمى تعيينه مدار اولان بو جهتلرك كشفندن ذهول وقوعى نقض حكمى داعى اولور .

۲۸۱ نجی مادہ مندرجہ کورہ تدقیقات واقعہ اقتضاسنجه عندالحاکمہ شہادت کاذبہ بی ارتکاب ایتدیکي
اکلاشیلان شاهدک توقیفی رئیس محکمہ امر ایتمکدن استتکاف ایدرسه اشو استتکافی شاهد مرقومک
مؤخرأ قانون دائره سنده تعقیبہ مانع اولماز .

بر شاهدك اثنای استشهاده متهم ايله شريك تهمت اولديني اكلاشيليرسه ريس محكمه بونك شاهدزور كي همان توقيفي امر ايدم يوب استنطاقه حواله كيفيت ايدر . مستنطق دخي لزوم كوردیکی تقدیرده توقیف مذکره سنی اعطا ایلر .

بر شاهد کاذب توقیفی رئیس محکمہ امرایت دکن صکرہ مدعی عمومینک ادعاسی و ہیئت محکمہ نک
مذاکرہ سی سبق ایتمکسزین تخلیہ سبیلانی امرایده مز .

شهادت زوری ارتکاب ایدن شخص محاکمه نك ختماندن اول شهادت واقعه سندن حقه رجوع ایدرسه
تعقیبات عدلیه دن قورتلش اولور .

شاهد کاذب حقه اشبو ماده قانونیه احکامنه توفیق معامله اولنامسی نقض حکمی مستلزم اسباب قانونیه دندرکه بوکا دائر محکمه تمیزک متعدد قرارلری واردر .

۲۸۱ نجی ماده ایجاب‌بخه شهادت کاذبه اساساً حقیقت حاله مخالف بیان دیمک اوله‌رق ماهیه بر جرم تشکیل ایلیدیکی حاله اثنای محاکمه ده نکول عن الشهاده قیلندن اولیوب نفس الامرہ مخالف صورتده خلاف واقع افادانده بولندینی ثابت اولان شاهدک شو بیاناتی بالنتیجه اساس مصاحبتہ نه درجه ده تأثیری حائر اولوب اولمادیغنک تدقیق اولنمامسی اسباب نقضیه دندر .

بر شاهدك كذب اوزرينه شهادتی احد طرفیندن ادعا ایدلیدیکی صورتده اشبو ماده قانونیه موجبنجه رئیس ویا اعضادن بری طرفندن بالتسبب استنطاق اجرا واوراقی هیئت اتهامیه یه اعطا قلمه رق نتیجه سینه قدر تأخیر محاکمه ایدلمك مقتضیات احكام قانونیه دن ایکن بوندن ذهول ایدلمش اولسی موجب تقصذر .

« مابعدی وار »

محكمة تميز اعضاءه من

طاعت

استنطاقك صورت اجراسنه دائر بعض قواعد اساسيه

— اونی آلتیجی نسخہ دی مابعد —

۸۲ — بر شخصك قورشونله مجروح اولمسی حالنده مظلونك بر قسم شهودله بالاتحاد حقیقی آفیر و جریحه نك اثنای منازعه ده مشتکینك النده کی روولورله خطاء حصوله کلدیکنی ویا اتحار ایتدیکنی بیانله مظلونك تخلیصی چاره سنه توسل ایلدکلی کورلمکده اولدیغندن حقیقت میدانله چیقماق ایچون کرک مظلوندن وکرک شهوددن طرفینك بوغوشوبده مشتکینك النده ایکن پاتلادیغی بیان ایدیلان روولورک اتش الدینی زمانده کی وضعیتلرینی یکدیگرینك غیابنده اوله رق برر برر کندیلرندن بعد الاستیضاح ویره جملکری جوابلر آری آری قیدله او وضعیتده بولنان بر شخصك النده کی روولورک آتش آلمسی قابل اولوب اولمادیغی واتش الدینی حالده مرمینك صورت سیری و جریحه اطرافنده ویا البسه سنده اثار حرقیه نك موجود اولوب اولماسی وسلاحك نوعی و تخمیناً نه قدر مسافه دن آتش اولدیغی کی احواله نظراً مجروحك النده ایکن آتش آلان اونوع سلاحله بویولده بر جریحه حصوله کلمسند امكن فنی بولنوب بولمادیغی جهاتك طیبیدن ویا تشکیل ایديله جك بر هیئت مخصوصه فیه دن بالاستیضاح بوبابده کی بیاناتك راپورله تأیید ویا تکذیب ایدلمسی کذلک چوق دفعه کورلیدیکی وجهله برخانه خلقتدن اولانلرك بالمنازعه بری دیکرینی یارملدقندن صکره حسب القرايه اخیراً باریشملری نتیجه سی اوله رق جرمی احما طریقته توسل ایله کویا اصیلی بولنان سلاحك یره دوشه رک باطلا مسیله مجروحك یاره لندیغی خلاف حقیقت بیان ایتدکلی واقع اولدیغی جهته اصیلی اولان تفنكك النهجق ایضاحات و وضعیت دائره سنده یره دوشوب اتش المسی حالنده خروج ایده جك مرمینك بویله بر یاره نك وجوده کتیرمسی امكنی مأمورین فیه دن استیضاح ایدلادکن صکره النهجق راپوره کوره توسیع تحقیقات ایدلمی

۸۳ - مستنطق بر شخصی یا معذور و مشتکی ویا مظنون و شاهد صفتیله افاده سنی ضبط ایتیمی لازم کثیر بودن ماعدا احواله مظنونك درجائی قانوناً معین اقرباسی ویا اون بشدن دون سنی حائز اولمادجه و الحاصل اجرای تحلیفه مانع بر سبب قانونی بولمادجه مع التحایف و شاهد صفتیله معلومات و مشهودات لرینه مراجعت ایلمسی لازمهدن اولمغاله صفتی کوسترلکسزین (استیضاح ماده ضمننده) دنیهلرک بر قسمنك افاداتی ضبط ایلمکده اولدینی اکثریا استنطاقامه لرده کورلمکده اولدیغندن و بوحال احکام قانونیه ایله غیر قابل تألیف بولندیغندن بعدما صفتی استجوابنامه نك مقدمه سنده کوسترلکدن وهؤتی بالسؤال درج اولندقدن صکره احکام قانونیه دائره سنده ایفای معامله اولنسی .

۸۴۔ توقیف ادعا و قرارنامہ لری کی نتائج تحقیقاتہ تنظیم اولسان صوڪ ادعا نامہ و قرارنامہ لری بعض

محال مدعی عمومی معاوانی و مستطقلری پک سطحی یازمقدمه ویا لکیز اخبارات و دلائل موجوده مرجعه سوقه کافی اولدیغنی ذکر دخی بعض محللارده مقتول ایله مظنونک اسملری بیلله ذکر ایدیلرک یالکیز مظنونک فعل مذکوره جرأتی اخبارات و دلائل موجوده ایله اکلایمقدمه اولدیغندن بحث ایله اکتفا ایتمکده اولدقلری وبالاخره استناد ایدیلان اخبارات تدقیق وتحلیل ایدیلنجه مدارثبوت هیچ برماهیت قانونیهی حائز اولمادیغنی تعیین ایلائیکی امثالیله مثبت اولسنه وقاعده هرادعا وقرار اسباب موجب قانونیه و دلائل ثبوتیه مستند اولسی لازم کله چکنه مبنی توقیف و اساس ادعایه و قرارنامه لر غایت مدلل و موضح اوله رق یازملی و مختلف جرائمین طولانی مظنون علیه اولانلرک هر برینه عائد جرائم تهریح ایدیلکله برابر هر بر مظنونه اسناد اولنان جرم نه کبی دلائل و اخباراتله اکلایمقدمه اولدیغنی ده صورت واضحه و مکملده اراء ایدملی و مظنونک کندی افاده لری ویا متعدد مظنونلرک افاداتی ارسنده مبانیت موجود ایسه بو مبانیتک اساس و ماهیتی هر نه ایسه واضحا بیلدیریلرک صورت مهممه ده کچشدیرلمالی و جرمک محل و تاریخ و قوعنک و مظنون علیهک یالکیز اسم و شهرت و باباسی اسمیه سنی و محل ولادت و اقامتی و صنعتی ایله جرمک سبب و قوعی و مظنون موقوف ایسه تاریخ توقیفی ویا لکفاله ویا بحق تخلیه ایدلمش ایسه تاریخ تخلیه سی عربی و رومی اوله رق کوسترللی و تعویضاً تسویه ایدلمش مأمورین کشفیه و شهود اجرتی و ادایسه بوجهت ده قرارنامه ده درج ایدلملیدر بعضاً ابتدای توقیفی اولق اوزره قرارنامه ده کوستریلان تاریخ توقیفخانهیه تسلیم تاریخته توافق ایتماکده اولدیغندن توقیفخانه دن اصول جزائیه نک یوز ایکسجی ماده سی موجبجه اله بحق تسایم علم و خبری هر حالده اوراتی میاننده وضع اولملی .

۸۵ — مستنطق تدقیقاته مباشرت ایتدیکی بر ماده ایچون آخرک تنظیم ایدیلکی اوراق تحقیقیه ببناء لزوم محاکمه قراری ویرمه چکندن مثلاً دیوان حرب عسکریدن بر عسکر دیگر بر عسکری قتل ایدیلکی حقه طوتیلان اوراق تحقیقه عدلیهیه حواله اولننجه مستنطق اعاده تحقیقات ایتماکسزین اوراق مذکوره نی باطلاله مدعی عمومینک اساس حقه کی مطالعه سنی استماع و کندوسی دخی فعلک مظنون علیه طرفندن وقوعی استدلال ایدرک لزوم محاکمه قرارنامه سنی تنظیم ایدمه چکندن بوکی احواله اعاده تحقیقات ایتایدیر .

۸۶ — مواد جزائیه ده قباحتله تحقیقات اولیه اوراقده اسباب ثبوتیه سی کافی کوریلان عادی جنحه دعوالرینک طوغریدن طوغریه محاکمه تودیغنده کی مساع مخصوصه مبنی مستطقلر و قتلرینی جنایات و آخر جنجه لره و دلائلی موجود اولسیان جرائم سائر مه حصرله هر نقطه نظر دن توسیعنه امکان براغلمسی ایچون مدعی عمومیا رجه بوخصوص نظر دن دور طوتلایمایدیر .

(مابعدی وار) باش مدعی عمومی باش معاوانی

مظهر

[۱۷] نومرولی جریده عدلیه محتویاتی

— قسم رسمی —

صفحه
نومرولی

۶۷۳

توجیهات عدلیه

تبلیغات عمومی

۶۷۴

(۱) هیأت تحصیلیه جه جیبائی لازم کن اعلامات جزائیه خرچلریله سائرته نک صور تحصیلیه سنه داتر

۶۷۵

(۲) اجرا داتر لرندن باره حفظنه مخصوص قاصه بولمادیقی تقدیرده اماناتک مال صندوقلریته تودیبی لزومنه داتر

۶۷۶

(۳) اسباب ضروریه دن طولانی هیأت حاکمه یه طاری اوله حق نقصانک تعریفات قانونیه و تبلیغات واقعه داتر سنه اکالیله دعوالرک تسریبی لزومنه داتر

۶۷۶

(۴) رسوم عدلیه پولرینک فاره لر طرفندن تخریب اولنامسی ایچون متین چکمه لر دروننده حفظی لزومنه داتر

۶۷۷

محکمه تمیز استدعا داتر سی مقرراتی — (۱) جنحه جرائمندن دولایی غیاباً لاحق اولان مقررات ابتدائیه علیهنده محکومینک اون کون طرفنده کرک حکم غیابی بی اعطای ایدن محکمه یه مراجعتله حق اعتراض استعمال ایتک و کرک استینافه عرضحال تقدیمیه ایشک استینافاً تدقیقی طلب ایلک صلاحیتی حائز بولندیغنه داتر

۶۷۷

(۲) جنحه درجه سنه لزوم محاکمه قراریه محکمه یه سوق اولنان دعوانک عندالحاکمه جنایت نوعندن کورلدیکی صورتده اوراقتک مستطقلغه تودیعی ایله تدقیقات و تحقیقات اخیره دن متحصل نتایج کوره نوع جرم حقهنده

۶۷۹

ایکسجی دفعه اوله رق برقرار ویرلسی مقتضی اولدیغنه داتر

۶۸۱

(۳) عفو قانونی موجبجه حقوق عمومی جهتنک تعقیباتدن وارسته طوتلمسی تابع تعقیبات اولان حقوق شخصیه ادعاسنک مرجع رؤئی تبدیل و تغییر سبب اولمه یه جغه داتر

۶۸۳

(۴) انشای محاکمه ده ظهور ایده جک جرائم حقهنده تنظیمی اقتضا ایدن ضبط ورقه سنک محتویاتنه داتر

۶۸۵

(۵) جلبنه قرار لاحق و امر تبلیغ ایفا اولنان شاهدک عدم اجابی اوزرینه حقهنده معامله قانونیه ایفاسی لزومنه داتر

۶۸۷

محکمه تمیز حقوق داتر سی مقرراتی — (۱) تذکیه سربده مذکبرک شهودک عدل و مقبول الشهاده اولدقلری کوسترلری، و تذکیه تلنیه اثناسنده طرفین ایله برابر شهودک حاضر بولندیرلسی لازم اولدیغنه داتر

۶۸۸

(۲) برحبات بولمقی بینه سی اوله وفات بینه سی اوزرینه راجح و ملک مؤرخ دعواسنده تاریخی مقدم اولانک بینه سی اولی اولدیغنه داتر

۶۹۰

(۳) سنه مستند اولمایان دعوایه قارشى وقوع بولان دفعک شهودله اثباتی جائز اولدیغنه داتر

۶۹۲

(۴) اجاره فاسده ده مستأجر بالفعل مأجور دن انتفاع ایتش اولدیغنی تحقق ایتدکدن صکره تبیین ایده جک اجر مثلك تحصیل لزومنه حکم ایدلک اقتضایده چکنه داتر

محکمه تمیز جزا دائره سی مقرراتی — (۱) حین محاکمه در میان ایدیلن افاداتی تأیید ایده جک اولان دلائلک بولنوب بولمادیفی جهت لریک تحقیقندن ذهول ایدلی مستلزم نقض اولدیغنه دائر ۶۹۳

(۲) وکیلک مدافعانتک کافه اقسامی حقنده محکمه جه بیان رأی اولنامسی وهانکی نوع اکثریتله مجرمیته قرار ویرلدیکنک وضبطک اصلنده ضبط کاتینک امضاسنک موجود اولدیغنک کوسترلامسی مستلزم نقض اولدیغنه دائر ۶۹۴

(۳) مستنطق طرفندن ویریلان منع محاکمه قرارینک رئیس محکمه طرفندن تصدیق ایدلسه بیله اعتراض وقوع بولدیفی تقدیرده هیئت اتهامیه به سوق لزومنه دائر ۶۹۶

انجمن عدلیه مقرراتی — (۱) فروختی طلب اولنان برخانه نک مدیونک حالله متناسب سکنی حالده بولنوب بولمادیغنک تقدیر تعیینی دواثر اجرائیه طائد اولدیغنه دائر ۶۹۷

(۲) دیون عمومیه اداره سی وکیللرینه منسوب اولدقاری دائره نک اک بویوک مأموری طرفندن ویریله جک وکالتامه لک محاکمه قبولی اصولنک تعمیمی لزومنه دائر ۶۹۸

(۳) مستدعی تعیین قیمت ایتدیکی حالده موی الیه بالجلب تعیین ایتدیکی قیمت اوژرندن ربع خرج استیفا ایدلسنه دائر ۶۹۹

(۴) تمام اولان وحق غیرتعلق ایدن معامله اجرائیه نک فسخ وابطالی قانوناً غیر جائز اولدیغنه دائر ۶۹۹

(۵) ناحیه مجلسلریله قضا بدایت محاکمه رژی اولنان قباحت دعولریک استیفاً و تمیزاً تصدیق طلب اولندقدن خرج ورسومه تابع اولدقارینه دائر ۷۰۱

معاملات اتهامیه — (۱) صیدا مدعی عمومی معاون عبده و مستنطق عبداللطیف ومعاونی مصطفی افندیلرک محاکمه التمه الندیغنه دائر ۷۰۲

(۲) نصیبین قضای بدایت باش کاتب سابقی عبدالقادر افندیلک محاکمه التمه الندیغنه دائر ۷۰۲

(۳) راشیا بدایت محکمه سی مدعی عمومی معاونی وکیل پولیس خالد افندیلک تحت محاکمه به الندیغنه دائر ۷۰۲

(۴) چارسنچاق بدایت محکمه سی اعضاسندن حسین افندیلک تحت محاکمه به الندیغنه دائر ۷۰۲

قسم غیر رسمی —

اصول استماع دعوی « مابعد » محکمه تمیز حقوق ریشی علی حیدر بکک ۷۰۳

اسباب نقضیه « مابعد » جزا اعضاسندن طلعت ۷۰۸

استنطاقک صورت اجراسنه دائر بعض قواعد اساسیه « مابعد » باش مدعی عمومی باش معاونی مظهر ۷۱۱

اعلام

قاضی کوینده زیماندر زقاغنده ۱۳ نومرولی خانه ده موقتاً مقیم قالیوپو بنت جانه تونک وکیلی مقصودیه خاننده ساکن طناش یورکیادی افندی جانبندن متوفی مانولا کی افندی ورثه سندن بک اوغلنده انکیلز سفارتخانه سی قارشوسنده اوریان اولتنده ساکنه ارکیچه علیهنده اقامه اولنان دعوی اوزرینه هکبه لی آطه ده کائن ایکی باب خانه نک قالیوپو عهدسه نه اعاده فراغه مجبوریتنه واول بایده موضوع حجزک تصدیقنه حکمی حاوی محکمه دن استحصال اولنان ۲۱ تشرین اول سنه ۱۳۲۴ تاریخی و ۲۷۹ عددلی اعلام وجاهینک صورت مصدقه سی متحجزه نک اقامتگاهنه کوندر باشسده بونامده برکیمسه نک اولمدینی خدمه سی طرفندن باراپور افاده قلمسنه و محکوم علیهما وکیلی رشید افندی دخی محل مخصوص تعیین ایتیه رک یالکز مزبورده نک اتنده اولدیغندن بحثله اعلام مذکور ی تبلیغدن امتناع ایدلیکی دخی تبلیغه مأمور خدمه طرفندن معطی راپوردن اکلشلیغنه نظراً اصول محاکمه حقوقیه قانونک یکریمی التنجی ماده سنک فقره اخیره سی حکمنه توفیقاً تبلیغ عد اولنق اعلام مذکورک صورت مصدقه سی محکمه دیوانخانه سنه تعلیق اولندیفی کی اوراق حوادثله دخی اعلان کیفیته ابتدار قلندی .

* *

میخالا کی افندیلک بالقجی پناویط اغا ذمتنده کی محکوم به مطلوبنک استیفاسی ضمنده روم ایلی فنارنده اسکله باشنده قایقخانه ده اوچ چفته قایقی ایله برقناد الامانه آغی وچورمه تعیر اولنور اسقومری آغی تحت حجزه النمش واشبو تموزک یکریمی بشنچی بازار کونی ساعت سکیز بچق راده لرنده روم ایلی فنارنده اسکله باشنده اصول وقواعد مخصوصیه توفیقاً بالمزایده فروختی قرار کیر اولدیغندن طالب اولانلرک ایرا یوز غروش حسابیه بدل مزایده لریخی استصحاباً یوم ووقت مذکورده محله عزیمت ایده جک اولان مأمورین مخصوصه مواجهه سنده حاضر بولملری اعلان اولنور .

* *

چارشوی کیرده ورچی خانی اتصالنده اونیدی نومرولی دکانده ساکن صراف علیکسی طرفندن ۲۴ حزیران سنه ۳۲۶ تاریخنده در سعادت بدایت محکمه سی ایکینجی حقوق دائره سنه اعطا قلنان عر فخالده مقدما استانبولده داود پاشا اسکله سی جوارنده کورجکی باشی محله سنده اون ایکی نومرولی خانه ده ساکن ایکن اخیراً خیقوب نزهیه کیتدیکی مجهول اولان عثمان افندی ذمتنده مطلوبی اولان مبلغک تحصیانی دعوی ایتش ومومی الیه عثمان افندیلک اقامتگاهنی مجهول اولنق حسابیه اولبابده تنظیم اولنان دعوتنامه ایله برقطعه عر فخال صورتی محکمه

دیوانخانه سنه تعلیق قلنهرق امر محاکمه نك رؤیتی اوچیوز یکریمی آلتی سنه سی شهر آغستوس رومینك اون طقوزنجی پنجشنبه کونی ساعت اوچده اجرایی قرارلشدیرلمش اولدیغندن یوم ووقت مذکورده مومی الیه عثمان افندینك محکمه یه کلدیکی ویاخود طرفندن بر وکیل کوندردمیدی حالده حقنده معامله غیاییه اجرا ایدیله چکی معلوم اولق اوزره اصول محاکمه حقوقیه قانوننك یکریمی آلتنجی ماده سنك فقره اخیره سی حکمنه توفیقاً اعلان کیفیته ابتدار قلندی .

امهاد نام دیگر خیریه خانمك ع اغستوس سنه ۳۲۶ تاریخده درسعادت بدایت محکمه سی ایکنجی حقوق دائره سنه اعطا ایلدیکی عرضحالده استانبولده قنطارچیلرده قلمه چشمه سی سوقاغنده الی نومرولی خانه ده مقیم ینایرجی عثمان افندی حلیله سی فاطمه خانم علینه اقامه ایلدیکی دعوان طولای تنظیم قلنان ورقة دعوتیه ظهیری مزبورده نك شامه عزیمت ایلدیکی محله مذکورده امامی طرفندن ویریلان شرحدن اکلشلمش وشو جهتله مزبورده نك اقامتکاهی مجهول بولمش اولمغله اولاباده کی ورقة دعوتیه الیه استدعا صورتی محکمه دیوانخانه سنه تعلیق قلنهرق امر محاکمه نك اوچیوز یکریمی آلتی سنه سی اغستوسنك اون طقوزنجی پنجشنبه کونی ساعت آلتیده اجرایی قرارلشدیرلمش اولدیغندن یوم ووقت مذکورده مدعی علیهای مزبورده فاطمه خانمك محکمه یه کلدیکی ویاخود طرفندن بر وکیل کوندردمیدی تقدیرده حقنده معامله غیاییه اجرا ایدیله چکی معلوم اولق اوزره اصول محاکمه حقوقیه قانوننك یکریمی آلتنجی ماده سنك فقره اخیره سی حکمنه توفیقاً اعلان کیفیته ابتدار قلندی .

سلوری قضاسنه تابع چانطه قریه سی ساکنه لرندن لازو کریمه سی التقاکنك ینه قریه مرقومه لی زوجی متوفی صراندی ذمتده ترکه سنه اضافتله فتواخانه جلیله دن مصدق بر قطعه اعلام شرعی موجبجه محکوم به الهجنی اولان الی بیک درتیوز کسور غروشك مع مصارف محکمه واجرائیه تأمین استیفاسی ضمننده متوفای مرقومك ترکه وافیه سنندن اولوب اوغلی خرستاکی یدنده بولنان برعدد اوچ بیک قیه لك وایکی عدد ایکی بیک بشیوز قیه لك تی نه ویوز الیشتر متره لك درت عدد شراب فوجیسی وبرعدد التمش متره لك بومبا وبر عدد بشیوز قیه لك پولیم داینه مذبورده التقاکی طرفندن تحت حجزه آلتمش اولدیغندن تاریخ اعلاندن اعتباراً اوچ کون صکره فروخته تشبث اولنه جنی ودها زیاده معلومات آلق استیانلرک سلوری اجرا دائره سنه مراجعت ایلری اعلان اولنور .

خاجی عاکف بکک حسین حسینی بک ذمتده بااعلام محکوم به الهجنی اولان مبالغ معلومه نك تأمین استیفاسی ضمننده مدیون مومی الیهك مالی اولوب حجز ایدیلان هرکه فابریقه سی معمولاتندن بحساب تربییی اون الی آرشون ایکی ربع برعدد وینه یکریمی ایکی آرشون الی ربع برعدد وینه اون درت بچق ارشون

برعددکه جمعاً اوچ عدد اورطه خالی وبرمترو اون بش ساتیم اکنده وایکی مترو اون سکز ساتیم طولنده سجاده ایله اناطولی معمولاتندن برمترو قرق بش ساتیم طولنده برعدد کلیم خالی وینه سکسان درت ساتیم عرضنده وبرمترو قرق ایکی ساتیم طولنده کلیم سجاده وینه سکسان یدی ساتیم عرضنده وبرمترو الی اوچ ساتیم طولنده کلیم سجاده وبرعدد اوروپا حصر اورکوسندن معمول یول حصری ماه حالک یکریمی طقوزنجی پنجشنبه کونی ساعت اوچ راده لرنده چارشوی کیرده بدستان دروننده بالمزایده فروخت ایدیله چکندن طالب اولانلرک یوم ووقت مذکورده مأموری مواجهه سنده حاضر بولنلری دائره مذکورده دن اعلان اولنور .

قسطنطی افندینك زمره قادین ذمتده با اعلام الهجنی اولان مبالغ تأمین استیفاسی ضمننده دائن مومی الیه وفاء مفروغ وفروختی محکوم اولان بک اوغلنده مجار جاده سنده یوز بش نومرولی وبر مقدار اره لنی والی اوطه برودرومی محتوی نیم کارکیر برباب خانه نك تاریخ اعلانندن اعتباراً اون بش کون صکره بالمزایده فروخته تشبث اولنه چکندن طالب اولوب دها زیاده معلومات المق استیانلرک بک اوغلی اجرا دائره سنه مراجعت ایلری اعلان اولنور .

قره بیغاده مقیم درعلیه لی احمد افندینك بیغا قصبه سنندن ارنبود سلیمان اغا اوغلی اسماعیل ذمتده با اعلام محکوم به الهجنی اولان مبلغ تأمین اخذ واستیفاسی ضمننده تحت حجزه النان محکوم مرقومك قصبه مذکور داخلنده معلوم الحدود بر قطعه خان عرصه سننده اولان قرق سکز سهمده اون درت سهم حصه شایعه سی تاریخ اعلاندن اعتباراً اون بش کون صکره بالمزایده صاتیله چکندن طالب اولانلرک بیغا قضاسی بدایت محکمه سی اجرا دائره سنه مراجعت ایلری اعلان اولنور .

بیغا قصبه سنك روم محله سنندن انکلی دامادی استراتینك محله مذکورده ادرمیدلی ارکویادی یه بااعلام محکوم به لرینك تأمین استیفاسی ضمننده تحت حجزه النان قصبه مذکورک کچی یتاغی موقعنده معلوم الحدود بر دونم اوچ اولک کرومی ملک بر قطعه باغی بالمزایده سکز یوز اوتوز غروشه طالبی اوزرنده تقرر ایدهرک قرارداده سی کشیده قلمش اولدیغندن تاریخ اعلاندن اعتباراً اوتوز برکون طرفنده یوزده بش ضمیله طالب اولانلرک بیغا قضاسی بدایت محکمه سی اجرا دائره سنه مراجعت ایلری اعلان اولنور .

فری کوینده آیازمه محله سننده ساکنه فاطمه خانمك مقدما اقسرای جوارنده صوفیلر محله سننده ساکن ایکن ایوم اقامتکاهی مجهول بولنان عطا افندی زوجه سی هاشمه خانم علینه مزبورده ذمتده سبق ایدن خدمتی اجر تسدن الاجنی اولان اون طقوز مجیدیه نك تحصیلی حقنده درسعادت بدایت محکمه سی ایکنجی حقوق دائره سننده اقامه ایلدیکی دعوی اوزرینه مبلغ مزبورک تحصیلنه دائر ۱۴ حزیران سنه ۳۲۶ تاریخ و طقوز

یوز اون بش عددیله استیصال ایلدیکی اعلام غیابینک برقطعه صورت مصدقه سی محاکمه دیوان خانه سنه تعلیق
قلندی کی تبلیغ مقامنه قائم اولوق اوزره اصول محاکمه حقوقیه قانوننک یوز قرق طقوزنجی ماده سی
موجبجه غزته لرله اعلان کیفیت اولنور .

متوفی حسن افندی ورثه سنک تونبا کیچی علی اغا ذمتنده آلاجنی بولنان معلوم المقدار مبالغک تأمین
استیفاسی ضمیمه مرهون اولوب فروختی محکوم بولنان بکاربکنده استاورورده خالد اغا زوقاغنده دردنجی
مکرر ایکی نومرولو اتی یوز قرق درت سهمک تکرار اون یدی سهم ترتیبیه یارم سهم حصه اوزرینه مبنی
اوج قات درت اوطه وایکی صوفه و برحولی بی حاوی بر باب اخشاب خانه ک تمامی لدی المزیاده درت بیک
غروش آلتون اچیه بدل ایله طالبی عهده سنده تقرر ایدرک موقت قراردادده سی کشیده قانلیغندن تاریخ
اعلانندن اعتباراً اوتوز برکون ظرفنده لاقول یوزده بش ضمیمه طالب اولنلرک یوزده بش نسبتنده کی دیپوزیتو
اچیه لرینی مستحقاً اسکدار اجرا دائره سنه مراجعت ایتلری ومدت مذکوره ختامنده یعنی شهر اغستوسک
یکرمی طقوزنجی بازار کونی ساعت سکنز راده لرنده صوک مزایده غایبه سی اجرا وقرارداده قطعیسی کشیده
قلنق اوزره مارالذ کر خانه پیشکاهنده مأموری مواجهه سنده حاضر بولنلری دائره مذکوره دن اعلان اولنور .

روسیه دواتی تبعه سنندن سرکنز افندی سیمونوفک موبیلیاجی ویتالیس بهار ذمتنده برنجی محکمه تجارت
اعلامیه الاجنی اولان مبالغک تأمین تسویه سی ضمیمه حجز احتیاطی ایله محجوز اولوب فروختی قرارلشد .
یرلمش اولان غلطه ده بولجی ذاده محله سنده مکتب زوقاغنده عتیق اون جدید درت نومرولو کارگیر و اوج
قات اوزرینه مبنی واون اوج اوطه بی و برچاشورخانه و مطبخ وطلوبه لی قیو و صهرنجی مشتمل وماهییه سکنز
لیرا ایجاره متحمل بر باب خانه ک اتی حصه اعتباریه مدیون مرقومک متصرف اولدینی بر حصه سی تاریخ
اعلانندن اعتباراً اون بش کونه قدر موقع مزایده یه وضع اولنه جغندن طالب اولنلرک ودها زیاده معلومات
المق ایستیانلرک محکمه تجارت اجرا دائره سنه مراجعت ایتلری اعلان اولنور .

نوم برادرلرک علاالدین بک ذمتنده تجارت بحریه محکمه سی اعلامیه محکوم به مطلوبی اولان مبالغ معلومک
تأمین استیفاسی ایچون مدیون مومی الیهک محجوز و فروختی مقرر بولنان شهزاده باشنده بلبان اغا محله سنده
زنجیرلی قیو جاده سنده واقع مکرر اوتوز ایکی نومروسیه مرقم علی التخمین ایکویز زراع محل اوزرینه مبنی
درت قات واک اوست قاتده بر بالقون وجمعاً طقوز اوطه ودرت کوچک صفه و بر مقدار آرهلق و مطبخ
وترقوس و هواغازی و مشتملات سائر بی حاوی و شهری اوج لیرا ایجاره کتورر بر باب خانه اشبو تموز رومینک
یکرمی ایکنجی پنچشنبه کونندن اعتباراً اون بش کون صکره موقع مزایده یه وضع ایدیه جکندن اشتراسنه
طالب اولنلرک ودها زیاده معلومات المق ایستیانلرک محکمه تجارت اجرا دائره سنه مراجعت ایتلری دائره
مذکوره دن اعلان اولنور .

بولومتال برادرلرک عطار مصطفی شمس الدین افندی ذمتنده ایکنجی محکمه تجارت اعلامیه محکوم به
الاجنی نک تأمین تسویه سی ضمیمه مدیون مومی الیهک عهده تصرفنده اولوب محجوز و فروختی مقرر بولنان
در سعادته بغچه قیوده چلبی علاالدین محله سنده مصر چارشوسنده کائن سکنز نومرو ایله مرقم بر باب عطار
دکاننک ملکیه دروننده مستقر حرمین محترمین کدکندن بر عدد عطار کدکک تمامی اشبو تموز رومینک
یکرمی طقوزنجی پنچشنبه کونندن اعتباراً اون بش کون صکره موقع مزایده یه وضع اولنه جغندن اشتراسنه
طالب اولنلرک ودها زیاده معلومات المق ایستیانلرک محکمه تجارت اجرا دائره سنه مراجعت ایتلری اعلان اولنور .

غلطه ده تراموای جاده سنده یوز اوتوز طقوز نومرولی فرونده مقیم تبعه دولت علیه دن و فرونجی
اصنافدن دیمتری میچوپولونک غلطه ده پناهی کلیسای قارشوسنده کی یانیه اولنلک بش نومرولی اوطه سی
نداونخانه اتحادله اوراده اقامت ایتکده ایکن الیوم اقامتگاه و سکناسی مجهول بولنان تبعه دولتیله دن دوقور
دوناتوات ، اسپاتوبلو ذمتنده وعده سی کچمش امره محرر بر قطعه سند موجبجه الاجنی اولان ایکویز
یکرمی عدد فرانسز آلتوننک تحصیل حقنده اقامه ایلدیکی دعوانک محاکمه سی سنه حالیه اغستوسنک اونبرنجی
چهارشنبه کونی ساعت اتی راده سنه تعیین ایدلمش اولدیغندن یوم ووقت مذکوره مومی الیهک محکمه ده
اثبات وجود ایتسی عکسی حالده محاکمه سنک غیاباً رؤیتنه مباشرت اولنه جفی اصول محاکمات حقوقیه قانوننک
یکرمی التجی ماده سنه توفیقاً تجارت بحریه محکمه سنندن اعلان اولنور .

چارشوی کیرده تحافیه تجارتیه اشتغال ایتکده ایکن تجارت بحریه محکمه سنندن افلاسنه حکم اولنمش اولان
محمد ضیا افندی ذمتنده آله جفی اثبات ویا موقتاً قبول وقید ایتدیرمش اولان آله جقولرک قانوننامه تجارتک
۲۱۱ و آتی ولی ایدن ماده سی موجبجه مفلس طرفندن تکلیف اولنه جق قونقورداتونک مذاکره سی ایچون
شهر حال رومینک یکرمی التجی بازار ایرتسی کونی محکمه مذکوره نک افلاس اوطه سنه کللری اعلان
اولنور .

محکمه تجارت بحریه جانبندن افلاسنه قرار یرلمش اولان متوفی طنطاوی زاده خالد بکک تسویه دیوناتی
ضممنده ایکی قطعه سندله تصرف ایدلیدی بالاخره اکلایشیلان بیوک اطه ده فابریقه زقاغنده ایکویز بارگیر
قوتنده ماکنه واون بش والس یعنی سیلندر و اوتوز عدد بغدادی وایریمیک وتوز وجوب الکترینی واون
عدد فورچه وبقیقه و قورومه ماکنه لرینی و کیراتی عدد بغدادی ودقیق انبارلرینی و کیر عمله قغوش و اوطه لرینی
و مشتملات سائر بی حاوی معلوم الحدود بر باب دقیق فابریقه سی بوندن اقدام موقع مزایده یه قونیه رق عثمانی
لیراسی یوز غروش حسابیه درتیوز بیک غروشده طالبی عهده سننده قالمش واشبو تموز رومینک یکرمی
طقوزنجی کونندن اعتباراً اوتوز برکون ظرفنده یوزده بش ضم قبول اولنسی مقرر بولنمش اولدیغندن یوزده

بش ضمیله اشترايه طالب اولانلرك ودها زياده معلومات المق ايستيانلرك بدل مزايدهنك عشرينه مساوي بي
 اچمه سيله برابر مدت مزبوره ظرفنده محكمه تجارت اجرا دائره سنه مراجعت ايللري ومدت مذكوره نك
 ختامه مصادف كله جك اغستوس رومينك يكرمي طقوزنجي بازار كوني ساعت بشدن سكره قدر مذكور
 فابريقهده مأموري مواجهه سنده و فرداسي كوني دائره اجراده حاضر بولنلري دائره مذكوره دن اعلان اولنور.

*
* *

جبراً فعل شنيع ماده سنندن طولايي مظنون عليه اولوب هيئت اتهاميه جه جنائتله اتهام اولنه رق حقنده
 اخذ و گرفت امري و يرلش اولان و محل اقامتي مجهول قالان قيضه بويلى پلايىقى قىرمنى بوزلى سياه صاحلى
 جاك ، پانطولون اكسا ايدر تخميناً يكرمي بش باشلرنده پدرى اسجي ده غير مضبوط فرارى عمر اليوم
 اثبات وجود ايتهمش اولديغندن اصول محاكات جزاييه قانوننك اوچيوز يتمش برنجي ماده سى موجبجه
 محكمه يه كلسي ايچون اشبو تاريخدن اعتباراً جانب رياستدن مجدداً اون كون مهل و يرللكه اشبو مدت ظرفنده
 كلدبيكي حالده كندوسنه قانونه اطاعت ايتهمش نظرييله باقيه لر ق محاكمه سنك غيا بآلرؤيه حقوق مدنیه دن اسقاط
 واموالى حجز اولنه جغنى و بو ائنده بر كونا دعوى اقامه سنه حق اوله ميه جغنى و عليه نده دعوایه قیام ايديله جكي
 كبي بولنديغى محلى بيلنلرك خبر و برمكه و بالجمله ضابطه عدليه مأمورلرينك كندوسنى در دست ايتكه مجبور
 اولدقلىرى مبین اشبو قرارنامه اصول محاكات جزاييه قانوننك اوچيوز يتمش ايكنجى ماده سنندن استنباط
 اولنان احكامه توفيقاً تنظيم و معامله ججزيه حقنده تبليغات مقتضيه سنك اجرا و سائر معاملات ايضا اولنق ايچون
 نسخه كافيه سى مدعى عموميلكه توديع قلنديغى اعلان اولنور .

روح المجله

اسبق موصل واليسى حاجى رشيد پاشا حضرت تلرينك اثر عاليلى اولوب ايكي سنه دنبرو طبع ايدلمكده
 بولنان بو شرح نفيسك حاوى اولديغى سكرز جلد تماماً نشر ايدلمشدر .
 مسائل، ساذحيه فقهييه بي لايقيه اكلامق مبادئ تصويريه و تصديقيه نك بيان سنه متوقف اولوب اكرچه
 مجله احكام عدليه نك هر كتابك مقدمه سننده مبادئ تصويريه دن معدود اولان بعض تعريفات مندرج ايسده
 بر قاچ ماده سنندن ماعداده مبادئ تصديقيه دن بحث اولنديغندن مشاراليه بو جهته اعتنا ايدرك هر ماده نك
 مستند اولديغى عال و اسباب شرعيه و منطقيه بي بيان و ايضاح و مواد مزبوره نك يكديكري بيننده و بونلره
 احكام اساسيه قوانين اره سننده اولان فرق و مناسبتلري ذكر و ايراد ايتش اولديغندن مطالعه سى موجب
 استفاده در . سكرز جلدی قرق غروش فيآله بايزيد و باب عالی جاده سنده كي كتابچيلرده صايله مقدمه در .
 مجله احكام عدليه بي مطالعه ايدنلر علم فقهك واضعنى بيلمك ايجاب ايدمكچكندن « حضرت امام اعظمك
 سياسى ترجمه حالى » دخى مشاراليه طرفندن بالتحريير طبع و نشر ايدلمشدر فيآنى بر غر و شدر .